

怀麓堂全集

新  
知  
堂  
印

PDG

懷麓堂詩藁卷之十五

七言律詩

體齋賞蓮次韻廉伯宮論

後堂深閉小盆池池上花開客已知  
索賞故將狂作態被畱真以醉爲期  
三年約伴人應少五月來看事亦奇  
不似城東千葉主有花無酒任人嗤

送張天瑞福建叅議

樹擁層城水帶沙八閩南望是天涯  
民連越徼還殊俗官似秦藩卻近家  
今日閭閻須撫字舊時臺省見才華  
詩成不及都門駕祗爲孤吟對日斜



徐竹窓挽詩

身是江南隱者流，手開瓜圃接田疇。  
縱無負郭寧求，自有東門豈藉侯。  
不受紅塵欺我眼，誰教白髮上  
人頭。阪坡下多春艸，一夜西風滿地秋。

大雨亭大詩屢至疊前韻

急雨雄詞欲鬪淙，未論陸海更潘江。  
傾殘峽水聲猶壯，挽盡天河句未降。  
敢謂中流堪比障，故知行潦不宜雙。  
高歌忽斷浮雲外，猶有晴虹照夜缸。

碧筒酒次韻東傳曰會中書

翠嶢深處碧爲筒，照見池頭一丈紅。  
別有清風來地

主乃將甘露奪天公香  
隨綠蟻應潛度心入靈犀已  
暗通我不負花還負此不勝餘興繞堂中

少保商先生壽七十

白頭歸老荷君恩一代勲名衆所尊  
自古年華稀七  
襄本朝科甲重三元海中仙子長生籙  
洛下先生獨  
樂園惟見台光映東壁  
郎官又侍紫微垣

送焦孟陽侍講子瑞還南陽

時孟陽歸省不果

翁歸未得遣兒歸  
歸着襴袍當錦衣  
南極一星方照地  
北山群梓又成圍  
晉陽授簡書應在  
司馬題橋志不違  
九日菊潭潭上水  
定和新酒壽重闌

焦大父九日初度

題黃日升貢士東樓卷

勝地於人似有期，層軒直覺與東宜。  
杜陵西閣憐花冷，庾亮南樓恨月遲。  
近市塵埃元不到，背山風景卻成奇。  
十年著得凌雲賦，祇恐君王未便知。

徐用和御史席上偶成

雨後涼生別院東，午窓殘暑坐來空。  
水光倒射簷頭日，絃籟時鳴樹底風。  
南國騷人方作賦，西臺御史正乘驄。  
文逋未覺驅除盡，斲得幽歡此會同。

次韻答王世賞夜雨感懷

何處吟詩成不寐，夜窓殘夢雨來時。  
清聞木葉隨空

遠暝覺山鐘到枕蓮千里關河游子恨一年生事窶  
人悲萬間大厦君須作不用歸心繞故籬

體齋西軒觀玉簪花偶作

小園紆步玉堂陰堂下花開白玉簪  
池露餘香猶帶濕出泥幽意敢辭深  
冰霜自與孤高色風雨長懷採掇心  
醉後相思不相見月庭如水正難尋

西山十首

日日車塵馬足間  
夢魂連夜到西山  
近郊地在翻成遠  
出郭身來始是閒  
雲裏盪胸看縹緲  
溪邊洗耳聽潺湲  
秋風忽散城頭雨  
先爲遊人一解顏

日照西山紫翠生，雨餘秋色更分明。  
蜃樓出霧東浮海，雉堞連雲北繞城。  
舊識御亭猶問路，漸多僧寺豈知名。  
十年幾度登臨約，不盡平生吏隱情。

石橋沙路轉，逶迤青艸園。  
林白露時遙，望好山頻駐。  
馬緩尋流水，細吟詩梅間。  
客到題名久，雲裏僧閒出。  
定遲也識醉翁非，愛酒筆囊茶具自相隨。

背倚危峰俯碧流，上方臺殿出神州。  
鐘聲過院日初午，琴響入空山更秋。  
騎馬客尋青艸渡，采芳人在白蘋洲。  
乾坤不盡東南眼，復欲憑高一上樓。

長爲尋幽愛遠行，更於幽處覺心清。  
祇園樹老知僧



曠石壁詩存見客名望入樓臺皆罨畫夢驚風雨是  
秋聲人間亦有無生樂化外虛傳舍衛城

野寺林深一徑通講經臺下見生公心於簪組元無  
累興到山林便不同坐愛鳴絃清石上仰看飛錫墮  
雲中諸峯絕頂香山路振袂須乘兩腋風

千仞高峯十丈臺坐看秋色轉悠悠水澗澗石叢中  
響雲度山墻缺處來洞口花淡無路入巖根樹老更  
誰栽匡廬句好終難和愧殺當年李白才

古松成蓋竹成陰十載重來感客心鳴葉繞空天籟  
遠飛流墮地水聲深湖山勝槩此菴足城市幽期何

懷  
言卷五  
四  
處尋出寺高歌重回首似聞空谷有餘音

竹籬花徑繞山開盡日無人覺往來且學山翁遊綠

野休傳御史出烏臺乍逢野客名相問慣識僧門手

自推應愛帝城風物霽詩成不爲黑雲催

徐用和同遊

十里平川一掌如穩騎羸馬當輕輿山家犬睡門初

掩僧寺人歸榻已虛遠興直窮高處望豪吟多在醉

中書長安飽食真無事卻憶江淮意有餘

時淮南大旱

中秋飲汝學宅次韻

是日微陰

對月啣盃莫問天人間誰是謫來仙三千界裏應同  
大十二回中此最圓天柱峯高秋雨暝廣寒宮遠暮



雲連追歡不盡東樓興猶有清光入閏年

見山樓題常熟陳亞叅卷

虞山青近海東頭正對元龍百尺樓  
半世閒身剛得隱四時佳景更宜秋  
屐曾躡後猶餘齒簾爲看來懶  
下鉤倚遍曲闌人不見斷雲飛鳥共悠悠

慈恩寺偶成

城中第一佳山水世上幾多閒  
歲華何日夢魂忘此地舊時風景屬誰家  
林亭路僻多生艸浦樹秋深尚帶花  
猶有可人招不得詩成須更向渠誇

送太常楊公還南京次韻

時楊公掌尚寶司事

菊花時節共登臺南寺曾爲北客陪醉後音書難屢  
寄別來詩卷定頻開具舩最穩纔經月燕酒雖醜亦  
滿杯今日送君如送我可能無意暫徘徊

哭女菱

夜堂嬌語坐生嚔斜日分明畫裏身誰遣一朝爲骨  
肉極知千古共埃塵回頭尚覺呼名誤入想猶疑見  
面真漫撫哀琴不成調他年空憶辨絃人

喬師名編修輓詩二首

禁林仙籍久通名我里君門數送迎身病每勞分藥  
裹官閒時復對棋枰北堂萱艸三年夢東國鱸魚萬

里情可是得歸歸便了竟將勲業負平生  
菊徑松園春復存醉中光景病中身生存遺業分諸  
第死有餘恩戀老親富貴不成空骨相文章無用祇  
埃塵玉堂今夜薇花月曾照當年伴直人

雨中種竹

石欄沙路雨聲乾爲欠蕭蕭一兩竿深帶土膏從地  
底暝移茅屋過江干方於辰日候時種影待晴天拂  
翠看試倚蓬窓聽疎密布袍沾盡不知寒

茅屋松聲

艸閣斜臨野水隈松聲時過石窓來飄蕭忽散飛空

雨竿確長驚殷地雷清和鳴絃生白石遠隨行杖出  
蒼苔詩人聽此難成寐醒盡虛堂昨夜杯

夜窻聽雨

瀟瀟殘雨入深更半灑踈窓半拂楹芳艸池塘應有  
夢落花庭院不勝情聽疑野寺昏鐘遠望憶江船夜  
火明明日曉晴須出郭葛衣藜杖一時輕

柳岸垂綸

釣魚磯上晚風多拂拂垂楊渺渺波行過酒家來別  
岸坐移林影下前坡野將短日供長線又見新條縮  
舊蓑老去祗應家在此不須盤石更垂蘿

糝徑楊花

漠漠楊花帶遠天，舞如輕雪糝如氈。  
徑當僻處隨人到，風向多時著意偏。  
地濕似沾前夜雨，日斜猶照隔溪烟。  
春光到此真須惜，莫愛床頭沽酒錢。

經廢道院

偶從樵客看棋回，回首仙宮跡已頽。  
歲久荒碑橫蔓艸，日長飢鶴啄蒼苔。  
空聞河上仙翁去，不見山陰內史來。  
更說前朝封禪地，玉符金秘有人開。

除夕書懷

壬寅十二月時  
已買太僕巷屋

夜坐高堂席屢移，老親歡在祗嬌兒。  
貧堪苜蓿堆盤



少長覺屠蘇到筵遲  
鶯花催客早看冰雪與  
春辭明年又卜新居去  
應憶城南守歲時

次韻寄答若虛二首

懶向五湖問楫師  
五南五北兩相思  
鳩巢近報移來宅  
鴈札遙傳寄到詩  
城市行蹤嗟我在  
山林性格祗君知  
如今舊社無新興  
不似星堂夜戰時  
西郊雲氣滿林端  
卻惟長安雨易乾  
溽暑中人貪睡久  
軟塵欺面覺行難  
星霜道路天涯隔  
冰雪形容夢裏看  
翹首望君君不見  
月明無限海波寬

馮佩之秋官得男

祝韻時佩之自江西使還

佳音南報驛程賒千里歸期正及瓜噴案早占釵玉

墜

佩之往歲詩云有人笑倒玉釵斜

就床親正錦裯斜西京舊德于

公第五左清風絡秀家若遣皇華能再返此即應已

解呼茶

次韻寄答方石二首

玉河楊柳幾春風回首長安是夢中別鴈有時傳塞  
北愁雲昨夜起天東應懷野客歌招隱肯效文人作  
送窮我病欲攻無藥石愧將交誼託微躬

藝苑詞垣二十年離情不似十年前綠波南浦五  
賦白雪西山杜甫篇醉裏功名心尚在老來山水性



詩卷十五  
俱偏春風漫作金陵夢卻望天台更渺然

齋居日待諸同官不至

三日齋居到每先病餘欲坐不成眠  
視池曉滴薔薇露土銼春回楫  
拙烟滿座清風陶穀茗半庭遲日  
李程甄玉堂官况從來冷不爲詩  
情減少年

再經西涯

新築湖堤面面平亂橋歌岸失縱橫  
輕鷗著水驚還去老馬緣溪戀復行  
舊日鄰家今幾在別來光景其誰爭  
匆匆不盡逢僧話剛說無生便有情

次太子太傅余公登鎮朔樓韻三首

邊城勝槩拱皇都傑閣東來眺望孤落日平沙隨地  
遠澹烟飛鳥入空無中原將帥歌周伐北上山川盡  
禹敷欲識老臣經濟畧武侯營陣有新圖

鼓角聲高起畫簷坐來霜鬢幾莖添三邊戍久衣重  
換二月寒多草尚緘胡地牧情嗟易變漢家兵食恐  
長掩知公不似征西帥醉下南樓川滿簾

北來風物感重遊又上孤城百尺樓白骨川原遺舊  
恨荒田禾黍動新愁羣夷地仰威名重臺省官兼位  
望優從此黃河南下路不教胡馬飲長流

昌平學宮和劉諫議祠韻

誰爲君候續舊祠眼中人事幾推移登科士有同朝  
愧憂國心惟異代知長路屢曾經此地高風真足壯  
吾詩不須感慨深懷古風雨催人鬢易絲

送左行人使琉球

鯨波淼淼接天遙海國塵空瘴癘消貢賦遠通中服

地冊書元自大宗朝南船去日占風信

凡使海國以冬至日開洋

北闕歸時望斗杓

海舟惟朝北斗爲的

但使行囊無蕙苾嶺頭

銅柱不須標

聞世賞太史誦夏提學正夫後園席上二首

次韻分柬

回廊欲盡到還通十笏書齋一徑東坐久幽花猶帶  
雨酒醒高樹忽生風鄉園近接官仍近館舍同遷地  
不同聞道詩筵多好客夜來磐際有飛鴻

浙東冠蓋屢追隨三日深杯醉不辭踵接尚慙登第  
晚神交長恐渡江遲觀中桃樹誰應種笛裏梅花可  
柰吹一見好詩還技癢欲顰無力效西施

再疊答夏提學

十載江湖夢寐通使車重綰寺門東未傾李白金尊  
月先坐玉郎玉塵風楚刺漫來何日到郢歌工後幾  
人同相逢莫更飄然別指爪須畱雪上鴻

到處惟應筆硯隨私逋  
官籍恐難辭耽詩癖在身長  
瘦學道心勞歲恐遲已飽  
東方猶漢粟未逃南郭尚  
齊吹向來至質緣君減斤斧  
何因得重施

次夏提學韻二首

詩家餘韻遠相沾不見高軒駐  
短簷花落每教空掃  
徑客來長爲誤窺簾僧門漫說  
三生改人世難逢四  
美兼若遣錦囊隨綵筆艸堂風月  
價須添  
衣袖歸時雨盡沾卧聞涼葉響  
虛簷鳥情幽寂將依  
樹苔意蝨緣欲上簾靜裏祇應  
閒尚在病來長與懶  
相兼讀書自笑成何事細取蟲魚  
幾字添



世賞席上次韻及挑學

坐久莓苔欲滿庭  
屐痕猶帶雨時青  
京塵晝斷車馬  
迹山色晚開雲霧屏  
鸚鵡籠深空望眼  
鳳凰巢近有  
栖翎相思只隔西垣夜長  
惟東堂夢易醒

謝王世賞移竹次韻

俗居無計避塵氛  
西郭濃陰遠見分  
幸有竹看休問  
主苦無鄰乞竟煩  
君天應不愛城頭雨  
地許長留石  
上雲十日肩輿猶未過  
曉風簾箔又斜熏

匡山大忠祠詩四首

國亡不廢君臣義  
莫道祥興是靖康  
奔走耻隨燕道

死生惟著宋冠裳  
天南星斗空淪落水底魚龍欲  
奮揚此恨到今猶不極  
厓山東下海茫茫

汴城杭郭總丘墟  
三百年來此卜居  
海內山河非漢有  
嶺南民物是周餘  
行宮艸艸慈元殿  
講幄勤勤大學書  
辛苦相臣經國念  
有才無命欲何如

北風吹浪覆龍舟  
溺盡江南二百州  
東海未填精衛死  
西川無復杜鵑愁  
君臣寵辱三朝共  
運數與亡萬古讎  
若遺素王生此後  
也須重紀宋春秋

宋家行在日南遷  
胡騎長驅百萬鞭  
潮海有靈飜佑賊  
五流非塹枉稱天  
廟堂遺恨和戎策  
宗社深恩養



士年千古中華須雪耻我皇親爲定幽燕

送平五伯陳公漕運還淮安二首

賢勞三世服王家千里山川路道賒周甸土中南北  
貢漢河天上往來槎晨揮玉塵風生座夜拂銀燈劍  
有花聞說涇淮多故老風流皆作祖侯誇

朝廷漕運仰南東百里官河屬會通勝國封疆還薊  
北西山泉派出城中舟車坐惜千金費畚鍤虛勞累  
歲功猶有腐儒憂國念欲將經國問元戎

遇雨後送鏡川楊先生謁陵次去秋見憶韻

二首

春祠秋祭總期程陵典分官次第行  
若雨途窮憐我拙停雲詩好荷公情  
倦遊丘壑心還在歷盡波濤夢亦驚  
今日不堪還北望樹頭風鶴有餘聲  
聞說登臨興渺然祇應幽賞勝孤眠  
遙知水涉山行地正及花明柳媚天  
塵世年華須自惜詩家風景更堪憐  
閒官亦有遊春夢緩逐鶯聲送馬鞭

再經西涯

拂樹穿雲二里堤綠陰深處鶉鳩啼  
背城古路車塵少隔岸人家酒幔低  
清愛野僧來紫衲醉扶童子當青藜  
相逢卻恐知名姓不向慈恩寺裏題

送鄧大叅宗器之山東

談笑蒼生在掌中使君才是出群雄  
縣分南國絃歌滿郡領西夷節制通  
鏡裏雪添新鬢白殿頭雲擁舊袍紅  
循良故是藩侯事莫道齊邦本上功

次柳文範中書閣直賞雪韻三首

雪滿園林物不知賞心卻與雪相期  
窺簾詠絮誰稱絕煮石烹茶未當奇  
玉宇空寒高易到碧窓清響靜還宜  
柴門擬學昌黎閉贏得王郎鳳沼詩

貝闕瑤壇路不分眼看飛雪亂如雲  
高城暝帶朝鴉色小苑斜披獵騎羣  
冰溜響簷醒短夢冷花吹面拂

殘醺自應瓦礫難爲質故乏瓊瑤可報君

遙從天上雪中來不信人間滿戶埃積久漸看隨地  
起舞餘翻愛逐風回楚江篔簹笠孤舟客異地園林半  
樹梅莫向此時誇此景有誰吟對玉堂杯

世賢雙生一子天死慰之以詩

城東瓜熟子離離長向西園記送時正愛春風聯帶  
好坐愁寒雨一枝垂人生得意難爲樂造物何心亦  
如奇從此柯條終遠大爲君重誦古縣詩

無從奇骨辨頭顱知是徐卿第二雛屬對早能通四  
六讀書何但識之無渥注水遠神駒化阿閣巢深彩

鳳孤聞說生男重有兆夜來呼彩得雙盧

齋居東青谿先生

玉堂冠佩託英遊老大相看尚黑頭後植庭松柯葉  
改舊題詩壁姓名留仙人掌出雲初散太乙燈來夜  
轉幽惟有清歡并好語多情難爲故人酬

謁陵懋清河舊館有感

路出沙堤向艸堂比歸曾此駐行裝風前熨火烟生  
百夜半開門雨到床今日閭閻宜富庶舊時僮僕尚  
蒼黃人生剩有悲歡地何必他山與故鄉

過沙河有感



幾家茆屋住荒洲風景凄然感去秋  
沙壅斷橋還舊路水藏深澗有橈舟  
虎談在耳神猶動魚塋傷心骨未收  
對此不堪懷故侶野烟溪日重回頭

重宿劉諫議祠有感

曾照荒燈宿古祠祭餘山路獨歸遲  
誰教夜雨移床後正值秋風破屋時  
豈謂人生非夢幻極知平地有欹危  
感今懷古無窮意只許前朝諫議知

昌平城北道中有感

十里溪橋野色分平沙不動水泆泆  
聽餘空谷猶聞鳥行到深山不見雲  
勝事園林看入眼迷途風雨憶

離群城陰舊路元非遠  
夢覺齋廬日未曛

賦得西湖送張公實少叅歸浙  
江

路指三天轉六橋  
盛時風景勝前朝  
無山不繞湖邊寺  
有水皆通海上潮  
部使隨星馳漢節  
騷人乘月弄吳橈  
因君卻省曾遊地  
醉倚高樓望次寥

初赴郊壇看牲

奏書初出大常卿  
隔日分官次第行  
騎士擁塵隨輦道  
犧人投牒報牲名  
樓臺地遠稀聞漏  
燈火門開夜到城  
歸向玉堂題笏記  
坐聽金鑰待天明

慶成宴初預殿坐



大官分胙出郊牛又向宮筵侍冕旒瞻拱正當天北  
面班行初坐殿東頭斟來琥珀盃頻滿舞罷後狔隊  
始收正是若臣修省日感恩無地答神休

鍾御史同追輓詩

少海驚波竟隕身矛冠曾觸驪龍鱗生無赭色居臺  
省死有卅心質鬼神五夜虞淵終日見百年宰木再  
回春南宮懣老英靈在地下惟應兩故人

雪後早朝

六日長安雪滿城五更鐘鼓一時晴水精宮冷雲猶  
凍鵝鵲樓高月正明朝馬不嘶金勒靜院燈無影玉

堂清祗應天上寒如許惟底人間夢不成

郊祀前一日齋居候駕

石橋瓊尺倚雕闌樹裏行宮接泰壇盡地龍顏瞻九  
陛兩班鷓步引千官旌旗滿路春雲擁鼓角連城曉  
氣寒爲報雨師休灑道香塵先已避鳴鑾

拜禁初預郊壇分獻得南海

南海分壇位嚮東石門深鎖象龍宮歸虛下有通靈  
地廣利中舍濟物功萬里炎威驚變雪一春佳兆喜  
占風儒臣謠許供牲幣愧有微誠佐聖躬

鏡川楊淑人壽詩

鹿鳴歌裏和桃夭白首相看似一朝清俸屢沾三世業內班新綴兩宮朝門臨柱曲天相接膾出蓬池手自調爲報平仄終有喜壽顏春酒任紅湖

南齊公祀陵懷青谿學士

君居禁署應思我我在山城更憶君藥裹自煎巖下水緘書誰寄隴頭雲歸鴻影落當空見警鶴聲高半夜聞長恨茲遊不同賞一年春色又平分

鏡川翰長以劉諫議祠詩見託竟忘代致以詩謝之

曾勞詩卷付蒼頭一笑空囊竟莫收忘事師丹猶少

壯致書殷羨敢沉浮誤驚神物空中化卻愧明珠暗  
裏投已向荒祠留素壁重來須待珎石山秋

喬主事歸自西山聞南屏呼呼甕山晶菴漫寄

一首

靜倚巖扉自詠詩豈知朝市有人知山林入後應嫌  
淺蹤跡看來頗近奇滿目塵埃須笠我一川風月合  
分誰蒼苔白石湖邊路亦欲相尋未可期

懷麓堂詩藁卷之十五

空齋集卷之十五

空齋集卷之十五

空齋集卷之十五

空齋集卷之十五

一首

空齋集卷之十五

空齋集卷之十五

空齋集卷之十五



懷麓堂詩藁卷之十六

七言律詩

白指京都十景

雲外西瓊島春雲

瑤峯獨立倚空蒼雲去雲來兩不妨旋逐春寒生苑

樹更隨晴日度宮牆玉皇居處重樓擁太史占時五

色光若與山龍同作繪也須能補舜衣裳

大液池頭春水生

更無風雨卻宜晴鳥飛不動朱旂

影魚躍時驚綵檻聲天上銀河非舊路人間瀛海是

虛名何如周圍開靈沼長與君王樂治平  
 大武山居庸疊翠更無風雨俗宜靜  
 劍戟森嚴虎豹蹲直從開闢見乾坤  
 山連列郡趨東海地擁層城壯北門  
 萬里朔風須卻避千年王氣鎮長存  
 磨崖擬刻燕然頌聖德神功未易論

西山霽雪雲去雲來雨不故  
 雪後西山爽氣增凍雲消盡出峻嶒  
 眼看萬壑徧一白誰遣六月生層冰  
 巖竇有泉渾欲滴石根無路轉愁登  
 飛樓縹渺空寒外幾度憑高興不勝

玉泉垂虹十六

玉泉東下轉逶迤百尺虹霓欲倒垂石罅正當山斷  
處林光斜映雨晴時惟將遠色兼天淨不恨微消到  
海遲五老峯前纔一派可能消得謫仙詩

薊門烟樹

薊丘城外訪遺蹤樹色烟光遠更重飛雨過時青未  
了落花殘處綠還濃路迷南郭將三里望斷西林有  
數峯坐久不知遲日霽隔溪僧寺午時鐘

盧溝曉月

霜落桑乾水未枯曉空雲盡月輪孤一林燈影稀還  
見十里川光澹欲無不斷鄰鷄催短夢頻來征馬識

長途石欄橋上時翹首應傍清虛憶帝都

金臺夕照

往事虛傳郭隗宮荒臺半倚夕陽中迴光寂寂千山  
歛落影蕭蕭萬樹空飛鳥亂隨天上下歸人競指路  
西東黃金莫問招賢地一代表冠此會同

南園秋風

別苑臨城輦路開天風昨夜起官槐秋隨萬馬嘶空  
至曉送千旛拂地來落鴈遠驚雲外浦飛鴈欲下水  
邊臺宸遊睿藻年年事况有長楊侍從才

東郊時雨

鳴鳩將雨過東林  
細艸青郊望轉深  
潤入土膏春脉脉  
暎含山色晝沉沉  
尋花問柳遊人興  
荷鍤扶犁老  
老心見說帝城多  
景物春晴未必勝  
春陰

次韻賀彭閣老先生二首

吏部銜清帶翰林  
路隨仙步轉高深  
人間別有登雲地  
天下空勞仰斗心  
瀛海新波添夜雨  
玉堂喬木長春陰  
歸來更覺門如水  
不受車塵半點侵

半生名行重儒林  
吏隱官曹歲月深  
文靖舊無旋馬地  
斂中元有耐官心  
川原煖入三春雨  
殿閣涼分六月陰  
欲效禹偁書院壁  
向來官序敢相侵



吳商懋衡侍講

科甲文章有父風詞林接武更誰同講經春殿爐烟  
煖校藝秋闈燭影紅門闕並高緣有第頭顱未白早  
稱翁生年五十還非夭不道人間是夢中

賦天不 成化丙午五月十日東閣曉卧夢人以一男  
吏將濟 相饋六月九日初度得男家報至閣中其事

始驗志喜二首

保直金坡筆硯餘忽傳芳事滿庭除官曹尚憶占熊

夢仙島何曾礙鶴書三日兩孫翁獨喜  
舍弟溟亦得男 四句

初度我還如犀錢未作通家會織翠先過長者車

坐撫新雛一笑餘勝從臺省得新除  
開門最陘堪旋馬舊業雖貧尚有書  
貴賤人生真漫爾賢愚天意定何如  
渠兄漸長資猶劣壯日誰牽服買車

丙午順天府鹿鳴宴後有作

二十年前宴鹿鳴京闈何意此時衡  
官曹飽後心長忤天語來時夢亦驚  
敢謂文章真妙選極知榮寵是虛名  
賓筵旣醉皆君德擬賦周詩竟不成

聞青谿學士擢禮部侍郎喜而有作

早將經濟許乾坤位入申年望已尊  
兩世北門專掌

制二卿南省載承恩

文信公以學士擢禮部侍郎青谿  
寔此美二職今代所未有也騰

蛟地迴雲俱化浴鳳池存水尚溫從此黃扉須更到  
講筵經史待重論

大行皇帝輓歌辭三首

北闕南都象鑄豐我皇身自際時雍祗應龍種如高  
帝何止虬髯似太宗艸木有情皆長養乾坤無地不  
包容因思二十年前事長躡仙班侍九重

聖朝偃武修文日其道王言似六經宋史重施新袞  
鉞孔庭增飾舊籩錡垂衣共仰丹龍象賜墨皆成翦  
鳳形回首茂陵松柏樹春來還向裕陵青

聖孝仁恩遍九埏由來至性本天全慈顏備極清寧

養帝號重歸景泰年斷獄法常寬斧鉞祀郊行不爲  
遊畋儒臣戀德兼衰病北望橋山幾泫然

祥後次方石謝先生見慰四首

三年血淚空啼我萬種愁心合語誰春夢不成翻苦  
睡東鬕多白豈關詩孤雲遐水無歸處落木長風有  
靜時南巷北鄰瞻望地底須睽隔是相思

除夕高堂每燕嬉悲來惟有骨先知鬪思白髮傷春  
至敢惜紅顏與歲辭歸鶴不關今古恨乳烏長戀死  
生私多情得似無情好莫恠嬌兒太放癡

承歡未極早生悲已覺人間萬事微三釜祿存嗟獨

荷百年身在憶全歸愁來別館春燈暗戒後詩壇夜  
坐稀不有青雲舊知己病軀無力定誰依  
朱顏有信先驚老碧艸無情已報新藥裹不消貧裹  
病鄉山空復夢中春欲尋流水難成調怕聽啼鷄又  
及辰敢謂悲歌能當哭歌成嗚咽轉愁人

次韻答方石先生齋居見寄

歲序驚心感雪霜閉門終日類山房不眠豈坐耽詩  
癖縱去能爲對客狂西閣漏聲清夜隔上林花意薄  
寒妨雲霄舊侶勞相問愧殺官曹兩月忙

再答方石



一卧空山歲幾霜齋歌重聽漢芝房應憐史局多清  
暇誤悔詩壇作故狂春夢屢驚神獨往病懷真苦力  
相妨無因載續陽春調柰有嬌兒乞字忙

再答

紫壇仙路隔烟霜縮地真無費長房身計祇應和霧  
隱詩情敢作上天狂駐顏藥在心仍病折翼門高夢  
亦妨最是丹丘無事鶴人間翻苦寄書忙

次青谿除夕韻

星奴無力送韓窮萬事都歸百感中病去祇應愁作  
伴詩來真與檄爭功交游義重勞三益骨肉情深念

五宗花柳一春餘，恨在盡判雙淚與東風。

張進士鏌知含山乞詩走筆贈此

張自稱知白之後

我病蕭然不出門，河橋冠蓋正雲屯。  
新詩寫贈聊隨俗，往事追思欲斷魂。  
夜雨江頭千疊浪，春山樹裏萬家村。  
河陽相業須珍重，兩字箕裘不易論。

次青谿歲暮禘享韻

殿頭風靜宿雲銷，日送香烟上紫霄。  
祧廟有靈歸禘祭，議曹無力預官寮。  
千官珮舄陪龍袞，九奏笙歌合鳳韶。  
人道舜廷咨伯地，舊將清直事唐堯。

送陸武選文量之浙江叅政

天上風雲擁俊豪，海邊魚鳥識旌旄。  
心懸紫禁千門月，氣壓層江百丈濤。  
高論有人傳諫艸，清時無事說兵曹。  
極知民社關憂樂，未放山川入醉毫。

枉諸友先君墓次方石先生韻奉謝二首

荒郊無地不悲風，廢堞西來古道東。  
本爲登堂勞范氏，非關痛腹返橋公。  
十年世事看今昨，兩代交情識始終。  
賴有新詩題舊恨，多愁聊可慰予窮。

淚眼衝寒不受風，出城先錯路西東。  
地連村郭無三里，誼重存亡有數公。  
寸艸恩多身尚在，蓼莪詩苦卷難終。  
須知盡日閒行意，不爲看雲到水窮。

送吳亞卿道本省毋漳州二首

地鄉分職重東曹南望家山隔暮濤無計得歸寧免  
乞有親能覲敢辭勞天風夜送飛帆急海日晴翻舞  
袖高莫爲倚門煩側席太平勲望屬時髦

與君交誼豈不久我少忽看青鬢萃八千餘里暮山  
色二十五回春杏花故人離思賦碧艸仙毋醉顏餐  
絳霞誰道天河隔世界從知海客慣乘槎

春雪次韻方石

瑞雪詩來起我眠雪清詩絕兩堪憐極知慰藉春深  
地不似倉皇歲暮天閒看紅塵非世界坐疑銀海眩

山川萬間廣厦真誰事昨夜先愁我屋顛

次方石先生春分懷先壠之作

永夜深悲輟笑歡夢回還復報晨餐  
開門少客猶多病舊業無家漫有官  
四序槐榆頻改歲九原風雪倍愁寒  
多情莫詠頻繁句白髮傷心和正難

心遠堂

晚向青油幕下歸宦遊不與意相違  
山林豈獨容高枕塵土何曾着衮衣  
近海秋帆風力健遡空晴鶴羽毛稀  
終南捷徑翻能近今昨誰堪校是非

清明前一日謁先宜人舊壠有述



遠從中歲憶兒童三十年前此送終  
四世死生同骨肉兩原川陸限西東  
浮生過眼烟雲外舊事傷心合歛中  
欲問九泉何處好鶴書迢遞若能通

送儲靜夫主事之南京吏部兼寄夏廷章

萬里晴空一鶴飛野雲溪雪避光輝  
不應銀海妨廻權未許緇塵得上衣  
南國地誇山水麗東曹官愛簿書稀  
多情定與吾鄉彦石假峯前詠落暉

章恭毅公輓詩

極知天下無難事聞道先朝有直臣  
萬死不輸三寸舌一生誰是百年身  
英靈地已歸河嶽遺艸天應護

鬼神欲殉朱雲借時劍九原重斬負恩人

次韻答愧齋先生

歷歷星霜歲屢移病來雙鬢幾莖絲故人別久翻疑  
夢往事心勞尚有期天上浮雲初變日江南芳艸未  
青時祗應千里神交地不識人問是路岐

次青谿先生喜雨韻

河伯經春暫啓宮銀潢飛雨一時通城蕪盡濕疑含  
霧園柳低垂不受風四塾年豐占卜史三壇神聽協  
歌工儒臣獨病空無補賴有賢勞答聖衷

次韻方石哭靜逸先生

病起看春意屢新春來無事不傷神百年世路誰非  
客四海交情幾是真館閣正須揮翰手山林兼少著  
書人因君萬念空如水亦欲滄江把釣綸

禪後述哀用祥韻四首

凄凉此日還非昨俯仰吾生欲藉誰盤菱有情慙屈  
建江魚多恨老姜詩孤禽影弔曾棲地宿火灰餘未  
死時莫向海天深處望海天空闊不勝思

膝前長記作兒嬉老去悲來不自知詩誦久荒毛氏  
業蒐招空效楚鄉辭禍能倚福須天定病得偷閒是  
我私獨有無情雙白鬢不關人點與人癡

百身難贖兩年悲轉覺悲來病力微月落空堂驚夢  
短艸青深院識春歸浮生跡在雲俱變客淚痕多雨  
似稀應謝西涯舊時柳泣風愁雨共依依

庭花向晚寂無隣槁木經年猶有新屈子徒令惜往  
日謫仙別自悲餘春烹魚饌筍竟誰事騎馬看花非  
我辰故舊相逢莫趣駕閒居亦是素餐人

次韻答時雍

萬里長江日夜風故人消息苦難通十年人老俱頭  
白千里書來會面同弱質瘦憐多病後餘情閒寄苦  
吟中極知倦眼猶明在須向虞廷睹舜瞳

懷齋堂集  
詩卷十七  
書夢用舊韻

暮雨林臺花黯然愁人正愁相對眠  
夢疑空蝶有時  
化兀如風舟不受牽  
江鄉亂艸接天際  
鄰家短鷄啼  
竹邊偷閒習惰恐未可猶欲作官支俸錢

又用韻東方石

滄署中人如酒然空堂閉門各自眠  
君無俗客片紙  
入我苦嬌兒雙袂牽  
莓苔古洞石巖際  
蘆荻釣磯秋  
水邊振衣濯足雨不遂  
一枕清風千萬錢

重經西涯

城中風景夢中路  
病不出遊空有身  
柳條弄水色不



定鷗鳥傍沙情自親  
舊鄰十室九易王古寺百年長  
占春慟哭兒童釣遊地白頭重到爲何人

寄顧天錫

兩年三度吉州書一見佳兒更起予  
霄漢踈星晨落  
落江湖幽夢晚遽遽吟詩性癖同心在聽訟堂空散  
吏如獨有故人衰病後憶君清涕欲沾裙

遣兒兆先入學以詩示之

襁褓纔看巾角成儘將驕劣誤聰明  
要知西塾橫經地不盡重關屬續情  
天意肯從吾敢負父書須讀汝  
休輕烟樓撞破非能事我已無才浪得名

送衡州鄧同知

楚客遊兵幾盪胃又看衡嶽聳晴空  
東西南北地蹤跡半七十二峯  
疆域中郡刻有名隨薦鶚仙班無路接  
飛鴻鄰邦亦欲沾河潤聽說陽城撫字功

承陸右齋以詩趣出次韻答之

太行山下不勝思得似河陽駐馬時  
環堵病回猶有我玉堂天上本無期  
雲隨海鶴書來遠門掩春鐘夢覺遲  
六館編摩諸老在敢將名姓託吾私

過城西高涼橋憶方石用所寄韻

每緣多病輟幽尋  
蹇駐城西水石陰  
同賞竟孤前夜

約獨行無柰此時心  
千山拂曉疑看畫  
一雨經春不論金  
猶有未忘情處在  
更無開口亦微吟

遊西山次韻答方石先生

未信仙家隔世寰  
直須風物盡戎蠻  
一時望眼東窮海  
千里提封北據山  
光景竟輸三月暮  
官曹空負兩年閒  
祇應他夜烟霄夢  
長在西林水石間

登華嚴上洞呈方石

振袂先登不受呼  
洞門高俯一浮圖  
吐吞雲霧成朝夕  
指點江山有無東  
去平蕪連野盡  
北來飛鳥背人孤  
因逢海上仙翁說  
不羨天台與鴈湖

次韻楊維立侍讀館中見懷

每依經日住長安瀛海東頭是大觀一代編年尊國  
史六曹分局重天官同垂汗竹誇群彥對掌絲綸見  
二難曾向先朝分舊館壁間名姓老羞看

予兩侍史館

次韻寄題鏡川先生後樂園二首

藥欄花圃背堂開一日朝回幾度來范老心終念廊  
廟寇公家不起樓臺海邊釣石鷗盟遠松下棋聲鶴  
夢回多少舊題詩句在碧紗籠底認青苔

綠陰繁處小堂開野蝶圍蜂自去來細艸有情雙駐  
屐遠山無數一登臺幽花坐愛栽時滿俗客空教到

後回病起三年猶未賞短垣多雨長莠苔

重經慈恩寺憶張滄洲題塔僧故廬

石橋飛步欲凌空百尺清陰九折通水底樓臺天上  
下岸邊花柳路西東春題杏苑懷張藉晝卧廬山夢  
遠公今日一杯還一曲獨吟孤酌與誰同

苦雨次韻方石五首

雨足街衢水到門幾家兒女競罍盆疑占石礎經時  
潤夢駭雷車昨夜翻河若可填烏敢避日如能照犬  
須奔南鄰老伴非耽飲直爲愁多共酒樽  
悲歌徹夜掩重門急雨聲高應鼓盆破屋有情看突



元顛崖無力，椽傾翻街頭。濁浪如山壅天上，行雲學

馬奔，誤向北鄰招。杜甫不勝愁，絕對空樽。

時方石表內

海中誰洩尾閭門，天上疑傾玉女盆。夸父力窮空競逐，商羊舞罷復飛翻。議多鄰壑功難就，戰退詩壇殿已奔。兩月內曹無寸補，大官剛戒病時樽。

直下天潢是海門，蛟龍何意復池盆。身如斷梗沙邊泊，夢逐虛舟浪裏翻。風伯縱靈應卻走，月娥空老更

誰奔。鬱攸重作中霄祟，欲效樂郎喫酒樽。

時有火蒨

病掩愁城不出門，直須牛飲阮家盆。天瓢有底從教罄，屋瓦無情也任翻。占憶田家今昔話，喧勞鄰使往

來奔青絲白日空相送不得高歌共此樽

送崔指揮譙漕運還大河

滯雨濃雲黯不收漕歌聲動木蘭舟  
星稀禁闕天初霽水落長淮地始秋  
國計已隨山共積歸心應與水爭流  
山南後裔聲名在要識清朝有壯猶

寄吳王允達中書次方石韻

金華西下路崎危又闕齊山第一支  
乘化不隨玄鶴返懷歸空與碧山期  
生前義重同心在身後囊空老僕知  
極目關河飛旆遠爲君惆悵立多時

重經西涯

渺渺平田水滿湖。早秋天氣雨晴初。灘聲赴壑如相  
競。鳥影凌空半欲無。未采蘋花憐寂寞。旋栽松樹見  
扶疎。經過自與行吟約。未覺何顛此興孤。

社齋院署次前韻答方石

瀛海分明不受舩。三山漫與十洲連。鸞飛鶴散驚千  
里。月迴星躔共一天。跡似杜陵休比浪。詩成曼碩自  
須憐。玉堂槐影依稀在。獨坐吟燈思惘然。

索酒一首與方石

下馬呼童索酒忙。出門黃霧正茫茫。應慙野興緣秋  
減。乍覺輕寒與病妨。彭澤漫勞王宰送。新豐不學馬

周狂亦知善戲非成虐  
醉益從來別有方

重遊西涯次韻方石

流水平堤柳繞垣  
重來又隔幾寒暄  
輕鷗似解隨人意  
老馬猶能識寺門  
千載高情彭澤社  
百年幽事杜陵村  
王郎亦有携琴興  
聊共清風石上尊

懷麓堂詩藁卷之十六



刻林玉頤本介軒琴與聊其音潤可土尊

意多韻餘流鑑筆出千妙高林遠影孤月半幽半

露水平疑賦仙賦重來及聞鼓其自

重張新對天師古亦

同耳亦映善熈非如真和益於末修其八



懷麓堂詩藁卷之十七

弘治己酉十月恭陪茂陵禪祭途次韻答

謝方石贈別

萬里長空送遠颺馬頭西向禁垣辭鄭公聽履星俱  
下列子乘虛氣可騎狂似山城吹帽客恍如塵海泛  
槎時詩人莫訝天將雪雪後尋春更有詩

宿劉諫議祠用前韻

廟門高樹響靈颺直諫猶懷慷慨辭海內鳴陽希世  
有仗前瘖馬任人騎江山盤礴堪輿氣精爽分明夢  
覺時千載腐儒憂國念爲公三歎一題詩

望狄梁公祠用前韻

碧山西望遡流颺欲弔唐寬誦楚辭寄遠東芻誰與  
致衝寒瘦馬不勝騎心懸晉嶺瞻雲地功在虞淵取  
日時預擬明年寒食候莓苔壁上爲留詩

宿西陵朝房用前韻

漢家陵壑動悲颺汾水經秋憶舊辭海上桑田春幾  
變人間鐵馬夜還騎瞻疑日角臨朝地立似天門待  
漏時山下擁裘寒不寐獨吟聊且罷聯詩

重謁茂陵用前韻

寢樹寒聲起夜颺載聞清廟有歌辭鼎湖已逐羣龍

化周馭空傳八駿騎千古山川神陟地三年祥禪禮  
成時微臣亦抱劬勞恨萬事傷心忍賦詩

陵祀歸聞賜戴煖耳諸公有作再借前韻五

首

烏紗巾上透涼颺一髮君恩力未辭賜煖宮貂同日  
戴冒寒郊馬有人騎耳聞明主如絲詔心似窮民挾  
纊時明向玉階還稽首羔羊重續退公詩

天上晴雲散煖颺曉霜先與賜貂辭宮墀正引千官  
拜塞馬方懷賈客騎興豈龍山吹帽日恩同漢帝解  
衣時瓊樓玉宇寒多少擬和新詞學進詩

輕盈弄日煖含颺短髮蒙茸亂不辭狐掩蔽裘慙並  
價馬驚寒影怯初騎寧同趙服隨胡制不似齊宮汗  
肉時寄語春風莫吹卻多情長誦感恩詩

拂面寒生雪後颺十金貂價豈容辭鷄鷄祗解戎冠  
著狐貉空隨獵馬騎禮重鄜人歌鼠日功多楊子拔  
毛時君恩不與炎涼變欲和唐宮賜葛詩

午門晴旭颺輕颺拜領恩綸竟莫辭八座敢誇二珥  
貴千金不羨五花騎休論孟德頭風事絕勝楊侯耳  
熱時老去毛君猶未禿玉堂閒寫賜貂詩

尚矩還自南畿宿城西高氏園出訪而還次

廉伯韻一首

名園祇在寺垣西  
客袂無端此再携  
鴉背夕陽天上  
下馬頭晴雪路  
高低吟思謝氏池  
遙艸消憶蘇郎醉  
後  
蓬歲晚朝天應不遠  
不須愁滑向春泥

十一月朔喜雪次韻答周松露亞卿

卜歲何勞問大貞  
雪飛元不待嘉平  
未看麥應兩岐  
秀且賞花開千樹  
瓊天向白時  
知夜盡地從消處見  
陽生青綾被底餘  
寒在獨有懷人夢不成

西域貢獅將至有詔遣行人道卻之鳴治侍  
講有述敬次來韻一首東舜咨伯常二禮部



萬里後猷初卻貢一時臺省共騰歡極知聖學從心  
始誰道忠言逆耳難漢代謾誇龍是馬隋家空信鳥  
爲鸞非才敢作清朝頌獨和新詩寫寸丹

元日早朝

紫殿朱闌白玉坡天風吹樂下雲和城頭星斗知春  
早苑外旌旗拂曙多龍集載看新歲紀鳳池初煖舊  
恩咫尺擬將無逸陳周戒只尺君門柰遠何

郊祀喜晴有述

碧烟消盡露華凝日極瑤壇第九層清珮緩隨馳道  
月絳籠高應午門燈

如祀時樹大燈籠  
與正陽門燈相應

風傳廣樂聲

初下天迥燔柴氣已升人意可占神意悅萬年靈祚  
永堪膺

壽董圭峯六十二首

百尺圭峯勢入雲看君標格動人羣雄才捷可時揮  
翰老眼明堪夜校文千載極星當闕見九霄清鶴傍  
城聞長生會裏神仙客宴罷宮筵酒再醺

是日  
經筵

六袞纔臨未二毛置身元合在仙曹登科記有魯刊  
策直講恩多舊賜袍陌上兒童知姓字館中年德讓  
耆髦東夷不用詢安否親見先生壽骨高

董嘗使  
朝鮮

弘治庚戌三月十五日殿試讀卷東閣次都

憲屠公韻

閭闔門深紫殿春先朝舊典一時新文章妙極寰區  
選陶右同歸大造仁世有真祥非物寶天將吾道付  
儒紳狀元忠孝何人是遙見爐香上玉宸

十七日文華殿讀卷次司馬馬公韻

龍虎榜中新得士鳳凰詔下正求才宮袍錦簇班初  
合御筆紙批卷未開跪捧案香當北面步隨仙躡下  
中台鑿坡兩度沾恩宴猶憶先皇舊賜杯

十八日聽傳臚有作

金蓮影與赭袍明華蓋前頭次第行黃紙數行丹詔

字鴻臚三唱甲科名雲邊曉日中天見  
夔裏春雷昨夜聲歸向長安聽人語  
聖朝羅網盡豪英

十九日恩榮宴席上作

隊舞花簪送酒頻  
清朝盛事及嘉辰  
星辰畫下尚書履  
風日晴宜進士巾  
圖撤漢科三日戰  
苑看唐樹九回春  
丹心未老時頭白  
猶是當年獻策身

送張亞卿文淵巡山海諸關

百二重關擁帝京  
大夫持節正東行  
風聲匝路旌旗繞  
月影連山睥睨平  
秦策本無空萬里  
漢降能受秭三城  
極知經濟吾儒事  
要使賢勞答聖情

送陸貢士答還常州

廉伯庶子之弟也

霜蹄歷塊蹇須驚可信青雲路未平  
楊意幾時能薦士子由剛道不如兄  
花迷苑外愁中望艸入江南  
裏生因憶晉陵親舊地送君非是道傍情

寄和愚得謝先生韻二首

樓高未許俗人來坐看風江雪浪頽  
不受苦吟嘲飯顆偶傳新賦出天台  
聽餘百鳥惟聞鳳閣盡千花始見梅  
遠道壽公無一物願將碧海注金杯

蘭舟舊興久相違藜杖餘光得暫依  
二阮有情還共社兩疏休恨不同歸  
漢宮直擁青綾被越調歌傳白



苧衣莫向江湖重回首故人天上曉星稀

六井金礪庵爲毛給事作

學得磨礪歲月深都將片石付分陰無暇始見他山  
玉有用終爲大冶金轉覺工夫非舊步肯教圭角變  
初心未論商鼎調羹事先進君王納誨箴

早間微早朝露坐

七月涼生暑未徂似聞宮葉下高梧城頭急雨時來  
去雲際踈星乍有無清漏水聲催玉箭絳籠燈影動  
金鋪長安道喝知多少坐待天風一夜蘇

左時翊方伯輓詩

漫說仙壇有地靈早將塵滓濯清冷多才擬作梁園  
賦好古親書漢石經駟馬門高歸興遠五羊城遠使  
車停桂坡坡上懷人處月落梁空夢易醒

送閔都憲鎮兩廣

早聞新命出臺端多少都人夾道看五嶺以南惟此  
鎮六卿之外更何官風傳夜柝營門靜霜捲晴旂海  
氣寒二十八年鷓鴣侶珮環聲裏聽和鸞

聞應寧遊西山以雨不果戲贈一首

時久旱

六載金山夢玉泉北來雙袖幾便旋杜陵雨怯期空  
負赤堊風高興已仙濃愛午雲籠苑樹暗驚春浪打

湖舩蒼頭也識蒼生意解爲遊人一莞然

壽盧方伯廷佐

秣陵花竹卧新莊畫省薇垣舊夢長  
長有壽顏紅勝酒儘教詩鬢白於霜  
一錢不用買明月萬事無如歸故鄉  
欲采靈芝爲公壽久知仙藥是家藏

盧有瑞芝

十月既望曾太僕席上見雪呈諸同年

十月長安見雪初舞風簾幕愛蕭疎  
寒欺燭影花相妬淺映盃光玉不如  
五出未開應避汝二毛新點正慙予  
同年會裏清時樂欲賦豐年興有餘

寄應寧提學用畱別韻二首

天上詞垣近省闈十年毛羽愛追飛南池水煖踴重  
化西蔡風高鴈未歸絕足風塵須獨步初心道德肯  
相違網羅剩有求才意未放山林老布衣  
聲價曾傾翰墨林聖朝風教竟誰任冰霜故有回春  
力梁棟應勞種樹心猶記籍分中秘久更無名謁外  
臺深纔看白髮窺青鏡又逐離情上短簪

次嚴宗哲太守留別韻兼寄應寧

宦轍南來萬里身二川西望入三秦從知太守多名  
士更喜監司是故人滄海夜驚鯨力破碧霄晴指鳳  
毛新他年記取留詩別庭雪初回柳未春

體齋偶談舊譜出湘潭因取舊刻古澗私印  
為贈并侑以詩

片石當年手自鏤姓名猶記古潭州  
老來悔作兒童戲質在長含瓦礫羞  
郡邑舊分從遠譜文章新價託名流  
鄉評世講吾人事傳語雲仍次第收

用前韻答曰會中書

寸鐵空勞兩字鏤天教完壁送鄰州  
喬遷漫有時哉歎舊匱翻為待者羞  
李氏石無佳子弟蘇家山是假風流  
極知伯仲文章貴應與詞林並價收

代石留別用前韻



純質親勞琢更鏤又隨筐篚過旁州相逢卻有搏沙

恨欲往先防見玉羞體齋家有玉君義比金誰合斷我心

非水亦分流如聞翰苑將移篆子攝篆久體齋以新秩當受篆願與

鈐封一處收

青谿聞體齋古潭之說有詩見嘲次韻以解

奇事非關巧力鏤桑乾從古說并州登龍卻恨通家

晚獻璞翻為識者羞豈謂他山無片石誰能隻手斷

長流春曹不許書名藉別付詩壇掌故收

聖駕詣郊壇省牲喜晴次阮禮部韻二首

玉堂鈴索報新時又尚南郊候省牲照日山龍明有

象行空劍鳥迴無聲層城近識形樓麗複道遙看羽  
蓋輕誰道碧壇佺貺遠天心先格主心誠

九重宮殿一時時帝帥千官視五牲獻瑞雲師朝送  
彩避塵風伯夜無聲虎賁帳合龍旂繞羽士班聯鶴  
帔輕應識感通非浪語駿奔何力助精誠

張亞卿文淵翟都憲廷瑞湯諭德維立領武  
官誥州事奉贈一首

曲池方檻綠周遭北闕回瞻象魏高臺省衣冠新接  
武神仙官府自分曹書函御寶開紅玉酒出宮壺瀉  
碧濤見說武階名藉重未妨精鑿入秋毫

懷齋堂集  
送曹都憲出鎮薊州諸關

居庸東下接榆關千尺層城萬仞山  
秋有桑麻生事足夜無烽火戍樓間  
帳前貔虎知嚴令歲晚風霜識壯顏  
畧試一方經濟手歸來重補舊朝班

元日早朝

九門深掩禁城春香霧籠街不動塵  
玉帳寒更傳虎衛彤樓曉色聽鷄人  
簾前樂應紅燈起階下班隨綵仗  
陳朝散東華看霽日午烟晴市一時新

孟春陪廟祀

闕角鐘鳴寢殿開羽旗鱗甲繡成堆  
班齊禁旅分行

入拜罷宮盤捧昨來九廟神靈同日降四時霜露及  
春回廟街門外頻翹首一道笙歌遶地雷

郊壇候駕

御座亭亭覆柔雲行宮佳氣正氤氳風旂繚繞空中  
降午漏依稀閣外聞貴戚賜衣多錦繡內厨頒饌屏  
芳葦齋堂向月懸清珮擬候瑤壇入夜分

郊壇分獻再得四賣

宿氛銷盡夜無烟萬燎光長複道連陟降祥如水行  
地裸將心與月當天羽衣道士通儀節白髮犧人說  
豆籩猶記策名分獻日去年風景似今年

慶成宴有述

綵旗珠纛舞晴風  
香案前頭玉陛東  
天籟迥隨仙樂下  
日華偏近御顏紅  
百年覆載生成後  
一代君臣禮意中  
郊獻幾回分殿坐  
聖恩神貺兩難窮

送彭進士杰之南曹

幾年宦路說通家  
二仲風流世所誇  
去日獨吟池上艸  
到時同醉寺前花  
芭蕉月冷春題字  
棠樹風清晚散衙  
爲報高堂消息近  
舊都元不是天涯

送周進士統知宿州

甲科文采重弓裘  
親見趨庭接宦遊  
坐愛簪袍能待



客去看冠蓋得分州宮前碧柳先春動河上清波帶  
雪流共道中原風土勝向來凋疾待君瘳

水出天送王公濟歸省

鶻鷁南來勢入雲鷁行東下暫離羣江山別與詩相  
助花柳濃將酒共醺親老祗應憐見面子才誰不愛  
爲文西堂八月清如水坐藝名香待令君

十圖送伍主事符歸省

其父孟賢參政  
子同年進士

畫省即官着錦衣綠波晴漾綵帆飛天池水足鷗仍  
化庭竹陰成鳳始歸魯史法應傳袞鉞宋科心不在  
輕肥題詩爲寄同年老有子如君眼底稀

傷寒堂集 卷十一  
送劉御史丙奉使歸省

楚山高不礙雲飛  
春日偏明繡豸衣  
人自烏臺持節下  
天教白髮待兒歸  
新巢閣鳳還千仞  
舊種庭椿過十圍  
極目滇南山盡處  
平安莫遣報書稀

送屠大理元勳錄刑福建

九寺官高重兩京  
北來冠蓋且南征  
清憐解橐留家地  
老識登堂拜母情  
司馬晝遊非銜寵  
歐陽夜坐本求生  
况逢紫鳳啣書日  
益覆須教仰大明

重九橋書屋爲京學陳教授作

八壺陰處九橋東  
水閣山樓面迥通  
栽藥地餘經歲

雨讀書聲遍隔林風晴君名跡江湖外少宰文章感  
慨中猶有弦歌遺業在誤疑家塾是黉宮

沈郎中尚倫母壽詩

白髮蕭然林下風壽筵芳事幾家同星朝婺女極當  
北水繞秣陵江正東梅籠出林朝雨熟魚舩入市晚  
潮通鳳雛不假青鸞使自領天書出禁中

送董行人緌奉使交南

紫泥新詔出彤宮帝遣南乘使者驄四面樓舩通海  
氣九霄旌節下天風仙萁萬葉占堯曆化日重輝仰  
舜瞳聞道奉揚恩澤徧遠人無地不呼嵩

送茹知縣鑾

百里孤城枕太行  
縣名元出古陶唐  
清時政簡仍多稅  
甲第才高不愧郎  
天闕近應沾雨露  
枳叢低豈礙鸞凰  
極知此去非長別  
一曲離歌意許長

過真武廟懷朱文鳴亡友

森森滄波白鷺飛  
苔痕長滿釣魚磯  
松陰不改三珠樹  
鶴夢還醒一羽衣  
細數鄰家遺老盡  
久懷同學故人稀  
沿流不覺尋詩遠  
把酒看花事事違

四月二十二日日講初罷柬體齋學士先生

三十年來兩月忙  
講筵猶飽大官羊  
聯班左掖天顏

近散直西堂雨氣涼  
秋譚橫誠須感格敢言多暇得  
徜徉詞垣老友箴規在  
未遣茅心一夜荒

送江主事澤之清江因東徐用和太守

淮上分司隔郡城  
舊遊茲復贈君行  
宦非外補猶差  
遣客不頻來  
少送迎莫倚名題金榜貴  
直將心付水  
曹清多情爲問山陽守  
種得甘棠幾樹成

送袁道士還任南京朝天宮

倪禮部內黨也

重來京國夢如昨  
再到冶亭山已秋  
頗覺烟霞非世外  
誤迷花竹是江頭  
誰將載酒供新帳  
我有題名紀  
舊遊應向青溪老  
仙客借騎輕鶴下瀛洲



懷麓堂集  
言卷十七  
十三  
賜枇杷

尚方珍果賜新嘗  
分得江南百顆黃  
遠道不妨經月暑  
冷枝疑帶隔年霜  
龍箋帖罷名初散  
翠籠開時手亦香  
歸領君恩薦家廟  
不禁清淚滿衣裳

送張以蒙知廬陵

見裕夫爲江西參議

扁舟曾問吉州名  
二十餘年此送行  
山半有田皆地力  
夜深無巷不書聲  
封疆正屬分符寄  
撫字真勞作縣情  
明到大藩叅謁罷  
不妨風雨話彭城

賜楊梅

京河催載滿船冰  
十月楊梅入帝京  
沁齒不知紅露

濕到詩偏助玉堂清名從傳鼎遙分派價比隋珠亦  
稱情再拜文華門外地講筵恩重若爲榮

送衍聖公以某還曲阜

岱宗佳氣鬱崔巍閔閔門高衆所歸一道仙槎依歲  
轉四山靈鳥避林飛彤墀引罷新呈馬寶篆沾餘舊  
賜衣卻恨星軺常夜發霜詩携酒意多違

愚樂傳公嘗種松數百株讀書其下有主松  
書院在焉爲作詩以遺其子若孫

舊時書屋長爲主手種青松間石根卧擁白雲春下  
榻到隨寒月夜開門風霜閱歷無年歲樽酒過逢有

子孫聞說大夫封已貴故枝新葉總沾恩

賜藕

祗向名花看畫圖忽驚仙骨在泥塗輕同握雪愁先  
碎細比餐冰聽卻無郭北芳菲懷故里沅南風味憶  
西湖渴塵此夜消應盡未羨金莖與玉壺

送柳拱之憲副之岷州兼東應寧提學宗哲

太守

蜀雨秦雲萬里程賢勞還屬使君行山連舊鎮遙分  
省勅換新官尚典兵味少漸知盃酪美地寒偏覺毳  
裘輕殊方卻喜同鄉語不負鷄壇下馬盟

林侍郎輓詩

廟堂風采重於山，多在江南艸木間。  
一代循良須不愧，百年氣運恐相關。  
冰霜節苦天應識，亥豕書存手日刪。  
莫道衣冠無廕澤，聖朝恩命果重頒。

寄壽菊羅郎中公給事中鑒之父時九十有三矣

久從仙骨見鯢鮓，又報春風壽域開。  
滿眼兒孫纔一領，遶園松橘是重栽。  
衣冠解說先朝事，車馬翻無長者來。  
州里後生曾致祝，十年詩札愧新裁。

寄輓金陵陸廷玉

常布居然古意存向來城市豈堪論門多剩地容山  
水家有遺書付子孫遠道風塵遠執紼舊時樓閣記  
開樽江空歲晚情無限卻寄燕歌吊楚魂

于景瞻府尹壽詩

半生夷險路從容晚歲真於萬事慵京尹望高曾薦  
鶚省郎官貴早乘龍秋添華髮將詩老春入醜顏映  
酒濃湖海祗今耆舊少一身長對兩高峰

次韻匏菴聞王古直至之作

老來不記入京年舊事依稀屈指前身似野僧纔有  
髮家如漁叟更無舡祗愁別久今衰矣不覺詩成爲



輾然春夜定知何處宿漫從新市買燈懸

送張兵馬考績還南京

石頭城闕路崑崙南去長千里遙野樹林疎寒映  
雪官河水長暗生潮帆檣數點天空閑鷄犬千家夜  
寂寥三載一官初獻績幾人翹首望回輶

呂亞卿天章求詩壽其妹黃宜人時天章以  
使歸

誰詠皇華入壽筵故家門閥尚依然扶衰試煮英公  
粥念寡新分范氏田拂鏡飛霜秋漸滿開樽羣月  
將圓莫言老婺光芒減曾見騰輝上九天

院中郎事

硯水呵墨印關封獨坐高簷落葉中  
籌唱有聲催短日  
筆披無力禦長風  
羸驂向晚還思秣老鶴驚寒欲  
喚空遙羨玉堂諸院長酒盃能綠火能紅

予嘗復書于屠都憲朝宗稱之爲丹山先生  
蓋謂其家四明有此山爾朝宗乃更其舊號  
以詩謝予次韻奉答且以兩篆字贈之

弱毫誰道力如杠  
謾作丹山小篆雙  
千歲早占仙是骨  
四明休詫石爲窻  
直須號令驚山嶽  
何止不名剡  
浙江况有烟霄天上曲  
楚歌從此不成腔

終

懷麓堂詩藁卷之十八

七言律詩

癸丑春闈試畢次韻知舉倪侍郎先生二首

公道如天望眼開，片雲無地著羣猜。  
千鈞用盡能辭力，萬木掄餘始見材。  
枕爲聽更寒自警，門因看月夜頻推。  
虛慚淺薄持衡地，十度懸科五度來。

夜燈人靜不成眠，親聽王褒頌得賢。  
聖代文章真盛矣，少時情興轉翩然。  
麟鳳徧藪元多瑞，奎壁分宮亦並躔。  
南省東堂嘉話裏，幾人同事復同年。

陸貢士筌以伯兄治齋學士校藝春闈避不

入試將歸常州詩以送之

杏園花夢晚相迷  
又向東風駐馬蹄  
治外有金元自  
躍竹邊多鳳且分樓  
春光逐路生新艸  
江水隨潮入舊溪  
得失漫須看日曉  
天留名姓榜前題

祁雨齋居

日日風霾夜夜陰  
小堂何地豁幽襟  
花遲別苑春全盡  
井渴空甌水更深  
玉署幾驚欹枕夢  
赤霄徒有望霓心  
桑林禱罷仍翹首  
宵旰勤勞恐未禁

送進士歸省

眼見宮袍換錦衣  
偶從文字託光輝  
宵辭禁漏銅龍

盡曉散朝行白鷺稀千里馳驅才始見一生溫飽志  
全非定須不學長安孟祗向春風得意歸

寄莊定山

六峯東面一江橫此老逃名竟得名山屋到秋驚雨  
破墊舟經日任潮生消愁物已盃中辦得意詩還枕  
上成三十年前携手地寺門斜月晚鐘聲

寄吉安顧太守天錫

天錫嘗為族祖希邁先生修永新墓且刻遺集

百年交誼此何勤骨肉誰教異姓分郡有殘編存故  
老野多荒艸認空墳山頭迥立千年表峽口寒封十  
丈雲從此思君應不忘更披新刻見遺文



送楊志仁憲副之山東

歇馬長安坐曉涼  
憶君曾接舊鷓行  
北來宮殿千門月  
東去關山滿路霜  
柳氏家傳唐訓法  
班生世有漢文章  
竹林花徑經年別  
應向春宵夢玉堂

送馬員外金謫判廬江

春明門外報離筵  
忽爲題詩意惘然  
暑去清風剛拂面  
雨來新水欲勝船  
誰將白壁橫官道  
信有黃楊厄閏年  
從此思親兼戀闕  
定依南斗望中天

送同年汪憲使希顏之貴州

汪嘗以希顏府君遺墨見遺

憲節東來日未曛  
使輶西去復離羣  
佳期不負秋城

雨別思先停晚樹雲月裏虧盈天自定世間夷險路  
平分故家遺墨勞珍贈愧乏千金可報君

次韻送李天瑞二首

莫問潮陽路幾千兩州山水鎮相連重來京國無知  
者卻望江湖更渺然賈傅少能爲世計後山貧不受  
人憐雲霄剩有回翔地比鴈南鴻又一年

兩疏金門一月餘使裝重檢舊圖書亦知廊廟心仍  
在柰有山林癖未除戒酒不從花底醉愛舟多在水  
中居禁林風雪懷人夜已覺輕寒薄綺疏

送薛吉士給養病

十五年中兩校文，多才頻見出人羣。  
金門漏永平明入，玉署書聲半夜聞。  
別夢幾回欹枕月，歸心一片渡江雲。  
須知館閣儲賢地，可見詞章足策勳。

雪夜追次坡翁韻四首

物華隨地歛穠纖，始識佗冥號令嚴。  
祇樹未春花作雨，解池初夜水生鹽。  
粧疑淡掃時窺鏡，舞恨低飛不  
過簷。謾向蒼生占喜色，凍愁先到兩眉尖。

放朝聲裏散晨鴉，閒取詩題賦雪車。  
陸海平翻千頃浪，江梅亂落滿城花。  
幾人標格如江令，何處交情有戴家。  
不盡高樓看爽氣，擬尋樵跡認山叉。

賦形隨意極毫紙白戰壇空未解巖過眼疑看石  
髓入茶清不讓羹鹽紅塵舊夢迷香陌白星新愁擁  
破簷卻望五門天上峙登高無路擬城尖  
凍雲飛盡北臺鴉曾辱東坡小駐車潁水聚星他夜  
戰玉堂微霰幾回花孤吟信可成詩案險句爭傳出  
道家絕勝江南無雪地斜陽空立路三义

正月四日受郊戒復陪廟享是日飲福受胙  
皆免

曉聽綸音出殿東午陪親祀入神宮齋期已先庚三  
日輦路遙清異二風禮異冠裳隨地改望高宗廟與

天通恭聞飲福新停解精意同歸陟降中

郊祀賜文綺有述

金吾衛士夜催朝門外承恩賜錦袍裁就巧隨宮漏  
盡拜時紆近朶雲高須知左右齋畊地不負東南貢  
筐勞經幄史臣頻荷寵駿奔今日愧重遭

正月七日郊壇分獻得山月

山川群祀一壇分複道東來萬燎熏盡有精靈裨海  
嶽豈無功澤比風雲禮當人拜天須應制出今王古  
亦聞從此八方歸禹奠願將微意託餘芬

送侍讀學士曾士美之南京



薦章頻見出文淵重上春風建業船官好舊衙加兩  
字書成新史又三年西江使客多鄉信北院移六秬  
俸錢莫道鳳樓閒老手要看詞賦滿山川

屠都憲胡宗宅東諸同席

屠所居予舊屋也

諸曹冠蓋簇成雲上帝叨承禮不羣舊屋有知應笑  
我高堂多慶已慙君大年昨美頌時薦南曲聲高醉  
後聞橋梓一門春色裏栢臺餘蔭許同分

屏風燈青谿先生席上作

真於剪刻露天機暗處生明識者稀春步轉迷絲作  
障夜遊翻訝錦爲衣曾聞雲母分班坐願記金蓮出

懷麓堂集  
卷十  
五  
殿歸同是玉堂年少客晚從東壁借餘輝

戴松厓亞卿席上觀屏風燈用青谿宅韻

丹青組織不同機製出方燈樣轉稀熾炭煖回雕玉  
地繡雲暗動紫烟衣嬌兒解事憐春賞醉客多情惜  
夜歸莫向東曹誇步障有人持錦闕光輝

上元後十日曾台齋觀梅值雪限韻二首

有約移尊玉署東小榭疎雪賞心同輕颺晚色還隨  
袖淺著春寒未滿叢歎客漫須琴有調催詩卻笑雨  
無功休論曠日三回曰且勝元宵萬點紅

片雪斜飄別院東此化風致偶能同飛從貝闕三千

丈占憤春風第一叢  
剪刻似經詞客賦  
栽培多荷主人功  
相逢欲闢空明色  
正對金杯臘酒紅

篁墩先生奉命回教吉士有詩見貽次韻奉

答

詞林盛事久相仍  
師席逸君喜不勝  
文望斗高人正仰  
誨言珍重我先承  
清功白玉墀頭地  
舊業青藜杖裏燈  
同是感恩思效日  
直從鄉榜記賓興

篁墩同壬午秋試

次丹山屠都憲

煖風晴雪散瑤天  
又向胡回宴集賢  
碧樹春陰高比蓋  
玉堂冰溜大於椽  
規程永樂千年制

庶吉士之選前甲申最盛

衣鉢文安兩派傳

予拔選時保齋劉先生奉命領以賞敷其所舉士也

剛道陽

春無和者丹山山上有詩仙

再用韻自述二首

列宿光分共一天姓名先後託羣賢清風重檢書千

卷舊業曾占屋數椽聖代渥恩慚我負詞林故事許

人傳欲將勤苦酬清逸又被官曹說地仙

中年進學似登天轉覺文章畏後賢悔送隙光飛過

鳥記栽堂樹小如椽科場次第門生出教旨丁寧閣

老傳眼底功名非實地任誇千佛與羣仙

送許吉士天錫養病

一點文星傍紫微士林方此佇光輝工詩不爲唐科  
選卧病非同漢令歸舊友愛聽談玉署老親驚見著  
朝衣文場講席周旋地道義重來幸不違

體齋先生壽六十

傍人不信已稱翁祇愛朱顏點碧瞳一紀壽高先過  
我六曹名重幾如公賓筵酒熟春初半使節山回日  
正中莫訝多情頻致祝老來向止說三同

予嘗有三  
同詩贈

中元送篁墩先生謁陵

暫辭經幄下山郵獨愧官曹有去留天上羣仙歸袖  
領月中諸帝相神遊雲深輦路蒼崖合風落離宮錦



樹秋試問未安新學舍舊名曾護碧紗不

寄答李白洲憲長

聞其體肥過音數倍

海北天南氣鬱蒸置身如在玉壺水壯心不分緣詩  
瘦老手兼誇作吏能買地境墟山有業寄書寥廓鴈  
無憑多情省樹休勞問歲月空慚雨露仍

送王德潤叅政還河南

其子崇文亦予禮部所舉士

星朝初下紫微垣不為多情豈贈言兩世科名看放  
榜一時冠蓋送歸藩庭前槐老陰重合江上棠成樹  
已繁還向耆民宣聖德萬人扶杖繞行軒

送盛郎中洪歸崑山

省郎飛步躡仙梯，  
種歲寒芳樹有鸞棲。  
路蹊今日聖恩教，  
路蹊今日聖恩教暫去望君長傍五雲西。

天津八景

拱北遙岑

百尺高樓拱帝廷，  
碧碣石東連海樹。  
占星監司正屬埋輪地，  
懷朝挂笏使遊翹首夜。

鎮東晴旭

五夜城頭聽早鷄，  
上雲梯飛鳥曉颺朱簾。

影舞燕晴翻盡棟泥千里帆  
檣天遠近萬家村市屋  
高低客來不用愁風雨無數  
風光入品題

安西烟樹

安西門外碧參差綠樹層烟  
曉更宜縹緲不知天盡  
處霏微疑是雨來時林間  
暝色聞鐘杳野外寒光見  
日遲睡起鈎簾看午霽一  
川花鳥正離離

定南禾風

層軒南向坐薰風極目平疇  
遠近同萬里黃雲吹不  
斷一天翠浪卷還空阜財  
正藉驅煩力飽士新成偃  
武功殿閣微涼天正何擬  
將餘興續坡翁

吳粳萬艘

長江西上接天津萬艦吳粳入貢新漕卒嘯風前後  
應篙師乘月往來頻千季國計須民力百里山靈護  
水神秭銓古來先甸服萬方無處不堯仁

天驥連營

危闌一曲俯平川萬驥聯營下九天沙地雨肥青苜  
蓿日華晴散錦連錢使充枉作開邊計歸華真傳定  
鼎季白髮奚官無一事大平天子罷遊畋

百步平潮

海門晴雪浸金鰲日道沾來湧暗濤望極遠空知岸

闊卧欹殘夢覺船高遙疑夢澤相吞吐不似胥江枉  
怒號時有海舟隨下上往來沙口不辭勞

海門夜月

海門東望極空明月裏山河影乍暗萬里滄波天一  
色數聲靈籟夜三更水精宮闕魚龍冷白玉城高鶴  
鶴輕不用扁舟泛寥廓且看奇絕盡平生

七言排律

徐州新洪詩有序

洪舊名百步洪水峻石險自古為然工部郭昇

騰霄鑿石平岸厥功告成請以是詩刻之石



山根忽斷水橫來誰見當時禹鑿開此地獨當南北  
險濟川多難古今哀叢叢怒石迎船起拍拍驚濤打  
岸迴纜卒不眠愁上下篙師無力正摧頽千年鬼斧  
遺天巧百里山靈伏禍胎已伏中朝天子命兼煩東  
省使君才沙沉鐵鎖蛟龍避霞鑽雷車晝直催直到  
中流無齟齬却看高浪失崔嵬寒泉出樊人爭引垂  
柳邊河手自栽賈客不須虞覆溺嗚夫終免卧蒿萊  
岩收傳築功難繼海著秦驅事可猜莫置豐碑芳草  
處恐教文字沒蒼苔

送梁廷美黃門之陝西叅政

秦中天府舊金湯聖代提封寄一方西土地連沙漠  
盡北來城帶海山長分符望重諸侯伯叅政官煩給  
舍郎關塞五年三出將閭閻多事屢經荒隨車少婦  
勞牽輓失穴殘胡尚陸梁共倚紆謀禪社稷早聞憂  
國有封章芝蘭莫遣蒙蕭艾貔虎終教制犬羊充國  
屯田長在漢士安租調總歸唐朝廷拔擢君何忝朋  
輩交遊我未忘離別此時無限意酒酣分手脫絲韁  
與時用陪士常話別聯句翌日士常見和因

疊前韻

客去蕭然臥北窓興來誰復到餘缸鐘聲坐覺催寒

漏燈影長憐伴在缸徐榻正懸懷舊侶郢詞初變憶  
新腔憂時每念丹心獨抗世寧教白眼雙收謂文章  
非忝竊未看民俗盡散龐名場有繼身仍繫宦海無  
風浪亦撞交重雷陳真不減才非元白已全降孤藤  
幸託千年樹一葦終期萬里沍望裏停雲心脉脉曲  
中流水恨淙淙還家莫歎關山隔聞說絃歌似魯邦

再疊前韻送士常

亂葉回飈坐打窓幾時清語擁寒缸歸期好趁殘冬  
雪離思先縈昨徂缸鄉樹影稀遙辯色胡茄聲斷不  
聞腔重岡路折羊腸九尺紙書回雁足雙南望關山

真設險北來風土舊含龐詞爭趙穎雖全脫氣壓增  
門斗易撞人傑有靈君不忝交遊無用我先降秋風  
驥裏將辭市春水芙蓉正憶江西壁可容窺末照東  
流從此識歸淙千金學得屠龍技未遣青袍滯一邦

寄題松江曹封君屏山別業

刑部員外郎  
時中之父

江上山圍碧玉屏九峯深處一峰青風低桂子香垂  
屋水足莢花浪擁汀謝傅園中開別墅司空谷裏見  
新銘曹嘗自  
作壽藏蘭橈力短歌仍緩鶴警寒多酒易醒月  
滿舊遊隨夜燭日高幽夢繞晨扃行時載藥非因市  
靜裏占著或有靈月旦里評勞袞鉞春秋鄉燕仰儀

刑傳家剩有樊侯漆教子親將伏氏經名字中朝天  
子命身爲南極老人星山中吏隱從來別不似楊雄  
舊草亭

無塵舫

瀟灑城西屋數椽端居長在木蘭船  
東華塵土翻疑夢南國江湖別有天  
燈火對床懷夜泊巖巒欹枕憶朝眠  
囊空剩有圖書載地僻都忘里巷連  
明月在庭知浪靜遠山移坐覺風偏  
行隨樹影如開纜坐扣闌干却代舷  
歐老再逢須作記李膺如到合登仙  
吳橋宛對霜中宿剡水真從雪後還  
聖世已無浮海念高



情誰和濯纓篇萬間廣厦何由見見說君才好濟川

### 題青巖隱居記後

青巖者王忠文公子克讀書之所也公為翰林待制

死事雲南後若干年其曾孫汝舉進士持青巖圖視予公所為記義門顯長史楷所

書公伯子綬之詩與仲子紳之文皆在焉

青巖西面接嶙峋聞道先生舊隱淪二水夾流通澗

谷兩山高起隔風塵唐川地古猶稱越

唐有華川縣廢公始號華

川元世兵餘合避秦

公隱在至正年

墅似羊曇非乞舅

記云依外

家傳氏而居

若緣孟母不求鄰長懷龍卧歌梁父豈學羊

裘老富春書詔早傳行在所

天兵至娶公首以徵見

衣冠生及

大平辰紀言右史親沾命

公嘗為起於注

仗節南荒竟委身

白髮鄭公鄉里在青氈王氏子孫貧家聲六代科名  
出國典先朝謚法新公謚在正統間今日醉鄉還有記當時  
嵩嶽豈無神魯披汗竹開金匱擬束生芻弔玉人遺  
像雅篇俱在眼斗山瞻望敢辭頻

城塘書屋爲邵吏部日昭作

陽羨峰高荆水深草堂風物靜蕭森層軒不礙浮雲  
色曲徑遙通野岼潄自引溪泉教作澗旋移鄰竹看  
成林憐花肯信兒童折愛樹時防鹿豕侵身在儘餘  
容膝地囊空頻散買書金門無俗客城中駕坐有清  
風石上琴仰止高山誰獨步翬然空谷有餘音卦探

義氏陰陽畫詩和堯夫首尾吟臺省正逢推轂日  
湖空憶挂帆心王郎舊業今何有十載庭槐滿地陰  
黎滄隱觀趣樓

龍峰峰下俯泓流上有元龍百尺樓壘嶂遠從巴樹  
擁巨濤平蹙楚天浮芳村花柳春風遍晚歲桑麻暮  
雨收汀鳥下時雲片片渚鱗行處水悠悠樵歌出徑  
遙通谷釣舸迴溪却繫洲或有幽人來問字更無豪  
客爲停騶陶園未涉先成趣蘓酒多藏不待謀達士  
豈知名教樂大官終有廟廊憂百年天地容吾老千  
里江山憶此遊忽省故園迷處所鑑湖東畔瀼西頭

鏡川楊先生宅賞蓮得藻字

不駕城東欵段車偶來池上看芙蓉盈盈素質秋  
外濯濯紅香宿雨餘照影宮粧新入鏡遡風仙步  
凌虛誰言畫手工能貌自笑酡顏醉不如二女江  
裙染茜六郎天上錦爲裙耻將脂粉同傾國却有一  
章爲起予太華峰高唐客詠若耶溪近越人居身閒  
與世論清濁心在隨時作卷舒幾日物華驚又變百  
年情賞幸相於留連不覺詩成晚起向金蓮燭下書  
雪和佩之韻上元後一日

天風吹雪下鰲山天上仙郎白玉顏雲母屏風春卷

慢水精宮闕直開闌光疑素月鴉初動路繞層空鶴  
乍還冰溜墮簷真欲滴風花滿樹若爲攀詩才絕妙  
君堪比酒價從高我未慳淨掃柴門無好客草堂幽  
處不勝閒

雪不止疊前韻

笑或越人

漫將春雪比冰山日薄風稀漸改顏怯勢已銷紅獸  
炭欣貧猶擁舊柴關無情竟作凌空去作態猶能拂  
袖還積淖有時妨跋涉乘危何力任躋攀人情自覺  
多時厭世事長於好處慳莫恠雲師大驅逐向來羸  
得一冬閒



長至祀

陵祀行

九重霜露重三時盛代官曹有令儀  
南陸正回羲馭晷北輶仍遣漢陵祠  
身辭左掖爐烟裏路出西郊野水湄  
已少游塵輕撲面更無飛雪亂侵肌  
居民小市多新集勝國荒城祗斷基  
耕罷疲牛驅再作斲餘羸馬墜還騎  
徧觀禾圃知秋熟稍憇葦簷覺午移  
別苑場空猶苜蓿孤村樹老自棠梨  
因過古渡傷心切爲送停雲駐足遲  
歲晚萍蹤懷故侶境偏芹館赴幽期  
詞林舊邸經年在諫議高名後世遺  
莫厭車裝頻去住載看堂構幾興衰  
松風入壺長驚枕槐月窺人直

到帷絳帳廣文停，直酌白頭老將具。晨炊傳教騶隸，  
齊廻節逢著樵夫。屢問岐高歷翠微，時縹緲俯穿青  
逕轉，逶迤千尋紫綬璠。黎合百尺銀橋，蟠竦危暗昧，  
敢忘遽瑗禮寂寥。深感杜陵悲神宮，久閱仙遊跡御  
製親題聖德碑。龍脉蛇蜒固勢繞，獸形猙猛石工竒。  
山腰列雉圍成郭，巖竇諸泉匯作池。廬宿坐殘絳榻，  
拙筱登梯畫碧參。差中官啓戶，鳴金磬都尉升階。奠  
玉卮，林迴劍聞豺兕靜。天低下闕斗星垂，光遙燿火  
依稀見氣隱。葭灰次第吹虎拜，憶從三舞蹈駿奔。甘  
效獨驅馳行囊競，與歸途急旅榻真。於睡思空霽景

忽開雙倦眼開悵東上兩鬢斜黃樓作賦思携客紫  
塞論兵念守夷珠利富填捐施王土墻貧擁負暗兒  
香濃蟻甕聊供醉寒近貂裘竟不知每愧謀敵裨戲  
納僅將筋力付娛嬉朝趨未報鳧飛信庭覲先陳鯉  
退詩二紀茲行今千度春寒風物合分誰

送董生天錫還寧都

瀟灑詞垣玉樹風  
在堂烟暑坐來空  
未論聳壑過房  
相且賞清談似阿戎  
別苑芳茗鳴翡翠  
舊巢歸鳳識  
梧桐庭趨正在聞  
詩後雲望翻於駐  
馬中少日方言  
諸蘄北去時鄉夢  
隔湖東衡廬地遠  
千峰接章貢城

懷麓堂詩藁卷之十八  
分二水通故老見須驚  
卯升大人去尚憶  
罷熊標梅  
實在星坐戶林  
桂花開月滿宮  
報得泥金非浪語  
奪  
回標錦是奇功  
通家屢辱常相拜  
先為題詩賀若翁

懷麓堂詩藁卷之十八

懷麓堂詩藁卷之十九

五言絕句

西涯雜詠十二首

海子

海子西入城中與龍池連高樓沙口望正見打魚船

西山

磐石傍幽谿群峰坐回首靜愛白雲來蒼苔濕衣久

響閤

春濤直忽至汨汨溪流滿津吏沙上來坐看青草短

慈恩寺



水繞湖邊樹花垂石上藤長來寺前坐不識寺前僧

飲馬池

立馬春池上沙水滑可憐溪翁熟子馬汲罷不須錢

楊柳灣

沙崩樹根出細路縈如棧垂柳隔疎簾人家住西岸

鐘鼓樓

月黑行人斷高樓鐘漏稀城中聞夜警邏吏不曾歸

桔槔豪

野樹桔槔懸孤亭夕照邊開行看流水隨意滿平田

稻田

水田雜花晚畦雨過溪足老僧不坐禪秋風看禾熟  
蓮池

秋風吹芰荷西塘涼意早獨負尋芳期苦被詩人惱  
菜園

西園芳意濕不聞春雨聲野人閉門睡園中青菜生  
廣福觀

飛樓凌倒景下照清徹底時有步虛聲隨風渡湖水  
画禽二絕

五柳著風多沙頭一燕過相遭兩不定無力柰春何

又

歲晚群芳盡空林野啄稀安能學鸕雀宜作傍人飛  
畫竹二首

山風與溪竹共作一林秋行人休更往前路有鉤輅

又

旭日照珊瑚秋風碧海枯只愁龍化去不敢鬪齊奴

三緘圖

舊說三緘者長疑此義偏空齋默坐後須信古人賢  
雜畫四絕

雪滿千山路茅堂只數椽幽人

四竹相對不知年

又

春岸菖花開  
江頭夜來雨  
俗問垂釣翁  
中流潏幾許

又

荷擔歸來晚  
山深畏日斜  
城中望烟火  
不敢宿山家

又

樹寒風起早  
江靜月來遲  
此句中宵得  
幽情欲語誰

便面小景二首

江闊水烟通  
孤帆勢入空  
舟人意不極  
日暮更呼風

又

江雨夜生苔  
柴門傍水開  
溪翁自有興  
不爲野人來

題画二首

官柳何青青低垂覆江岸日暮無人行風吹幾枝斷

又

垂釣臨中流携琴過前浦應笑山中人長年著書苦

雜畫四絕

客來叩我門門前秋葉落山翁長在家不放湖邊鶴

又

稚子牽衣泣鄰翁答語喧歸人定何處風物似羗村

又

地僻長安靜郎潛亦愛貧貧家不釀酒自有問奇人

又



畫師好畫鬼極力窮幽深世亦有真鬼畫形難畫心

分金圖

四海多瓦礫兩心同一金金尚不可破誰能離此心

雜畫四絕

入谷聽幽泉依稀隔雲注欲觀泉出時須向雲深處

又

黃葉荒村路閒門車馬稀隔籬山犬吠莫是遠人歸

又

出部望前山溪行照夕間詩成無和者獨跨蹇驢還

又

月黑山更昏  
江深雪無影  
中夜擢歌聲  
幽人夢初醒

白頭翁畫

莫道春風好  
春風易白頭  
君看花裏鳥  
亦有世間愁

六言絕句

出城四首

塞雁衝寒獨  
迴柴門傍  
暖初開青  
到城頭  
柳色東風

昨夜歸來

洪慈寺裏人  
醉主事墳前  
草生世路悲  
歡如此舊遊

何處忘情

田間白屋  
高低渡頭  
芳草東西  
幽禽隔樹  
雙語瘦馬

嗅青猶

水遶平沙遠村鳥啼雙樹名園西涯野客多興十日  
春寒閉門

便面小景

綠盡平川渺渺音含遠樹依依芳草原頭雨過夕陽  
江上船歸

七言絕句

布谷

春雨園林布穀聲聲不住勸春耕雙旌五馬誰相  
問此物頻來似有情

戴勝

園中少婦把桑歸  
掩袖低眉半落暉  
羞見山禽頭似錦  
繭絲繅盡不成衣

題画

十日雨多不出門  
今日出門雲霧昏  
扁舟欲往恐無路  
何處青山江上村

馬上口號

早朝騎馬赴長途  
詩骨衝寒細欲無  
此夜小齋風雪裏  
有人高枕臥江湖

偶成四絕

幽薊以南無片雪蕭然田野盡荆榛去論來歲春苦  
熟且免荒村凍殺人

京城百萬開新糴官價空低市價高開道達官多大  
屋轉輸無乃役夫勞

東安野老携兒至歲暮相逢慘澹中剩說前年好生  
事清芹溪橡不曾空

三日不食賣牛犢十日不食兼賣屋惟有懷中數歲  
兒明朝各自東西哭

春在二首

睡足東窓眼倦醒城中塵土晝冥冥風光隔眼不相



見春在西涯舊草亭

雁去平江烟水空  
短浦脩竹自成叢  
東風一片滄浪  
夢春在瀟湘細雨中

一画鶴二首

舊載仙人白玉笙  
卽隨淪謫下瑤京  
空山試舞前溪  
月記得霓裳拍裏聲

嫋嫋秋風竹上生  
十年毛羽未全輕  
簫聲莫向中宵  
動瑤草沙中月正明

和李若虛秋官韻二首

蕭條歲晚無生計  
草樹春來一遍新  
隴上耕牛能幾

望春春至却愁春

歲歎何煩更出師  
厥聞烽火報關陲  
腐儒憂世歲何

用和得西曹數首詩

畫鷹

寒重青林殺氣多  
歸來健羽戢雙戈  
前山日墮冬天  
黑雪裏妖狐有渡河

延平劉郎中廷信所藏紅梅三首

美人家住越江城  
翠袖紅顏最有情  
猶是江南無雪  
地雪中看得更分明

莫種西湖淺水濱  
水清花艷各傷神  
春光不與花相

妬花到開時却妬春

玄都寂寞花無主  
劍浦芳菲樹亦香  
顏色似同風格

異劉郎非是舊劉郎

陵祀道中次韻答周松露亞卿四絕

曾於秋夕奉明禋  
又向西陵擁佩紳  
私禫幾時還國  
禫極知為子愧為臣

萬方同日荷堯仁  
舊事淒涼政重陳  
恩寵最先奔走

後東陽龍飛初科進士  
臨送祥祭皆不與未勝餘恨欲沾巾

兩度西垣辦北裝  
病回剛過一秋強  
重來

興為有南宮老侍郎

畏寒那免借重裘已向陳郎愧昔遊誤使同利羨光  
彩瘦僮羸馬不勝愁

會稽雜詠用貞先翁嘗遊會稽有  
倡和卷用貞歲于家

塗山

山頭龍氣鬱蒼髯山下梯航萬國遙千古中峰在霄  
漢至今猶受衆山朝

曹娥汜

死隨枯骨葬汜濱報德真憐女子身千載斷碑空過  
眼當時亦有姓曹人

菲泉

黃屋蕭然四野清  
菲泉從此亦嘉名  
酒池春水三千斛  
不洗周王萬國兵

靈鰻井

山川寂歷不知在  
風雨冥冥人獨行  
却有老鰻生水底  
恠來潭樹作秋聲

禹穴

汪南禹穴竒天下  
司馬文章實似之  
頗憶汪山有神助  
滿窓風雨坐題詩

蕺山

蕺秋風古井邊  
英雄遺跡到今傳  
吳越霸須臾



事辛苦空山二十年

沉釀川

買斷平川十里春  
富人常醉醒人貧  
相逢莫道滑如水  
錢到波間亦有神

戲題画扇

漠漠天陰催日短  
冥冥詩思入花遲  
山童野鶴隨人意  
問到春寒雨不知

黃鶯

柳花如雪滿春城  
始聽東風第一聲  
夢裏江南舊時路  
隔溪烟雨未分明

雙雁

歲晚長林共落暉  
野寒吹雪直侵衣  
伯勞雙燕俱無  
賴腸斷春風各自飛

班鳩

積水寒蕪遍野田  
惱人幽鳥隔深烟  
不須更喚溪頭  
雨麥爛蛾飛又一年

周評事墓山二首

高臺雲散古城西  
潮落空江月向低  
此夜慈烏應繞  
樹羽毛寒盡不成棲

漠漠橫塘野水春  
暗烟重樹失江津  
山中寒食風和

雨吹落蘋花不見人

題趙仲穆挾彈圖二首

東風挾彈小城春  
遊騎飛韉不動塵  
道上相逢休借問  
衛家兄弟霍家親  
落盡金丸萬鳥空  
花間立馬傍東風  
王孫醉筆飛揚甚  
人說風流似魏公

讀漢史

綠囊方底殿屏東  
密使潛書晝直通  
落盡仙桃春不管  
夏教雙燕舞西風

題畫

水藏沙縮不聞湍雪滿空山獨樹寒誰見玉龍天上  
戰至今頭角倚沓播

虞美人

按劍孤營落日昏楚歌聲裏漢兵屯當時國士無存  
者獨有虞姬不負恩

燕

羶戶朱簾有路岐別時嫌早到嫌遲王家只解憐毛  
羽流盡雕梁不自知

嚴子陵

一飲巢由賴此翁世間元自有三公偶教識得君王

面白首猶煩到洛中

大公

白首蒼生意未忘起扶衰老爲殘傷也知戰伐非吾事不殺軍中叩馬郎

張子房

博浪椎車亦壯哉圯橋納履大低回當時不用黃公術老去終爲赤帝猜

王子猷

平生愛竹手頻栽江上人家一徑開縱是無心已成癖葛巾芒屨爲誰來



醉別蓬萊定幾年  
被人呼是謫神仙  
人間未有飛騰地  
老去騎鯨却上天

李大白

范忠宣

天下蒼生望哺深  
君家父子總關心  
麥舟亦是區區事  
薄俗猶能慨古今

周濂溪

不是芳菲解泥人  
自家生意總來真  
當時只許程明道  
道得前川句裏春

蘇子瞻

兩國山川一戰功  
子瞻詞賦亦爭雄  
沅流自古愁無限  
落水長天萬里風

題栢邦用蒲石圖

瀟瀟風雨入  
沅多白石清  
蒲倚櫂過長  
憶幽芳不能  
未美人今去  
意如何

夏大常墨竹

白髮先朝老  
夏鄉酒酣隨  
意筆縱橫空  
梁月落仙臺  
迥猶聽清秋  
玉佩聲

讀文山集附錄

狀元忠義古今傳  
野史何如舊史全  
刪述總煩胡學

懷麓堂集  
詩卷十九  
士姓名猶記丙申年

画竹

漢臯亭上起秋風  
直逐湘靈下楚宮  
曉入碧雲看不見  
墮鈿遺佩各西東

林郎寒鴉圖二絕

萬里長空倦羽翰  
野風殘雪歲將闌  
紛紛燕雀高飛盡  
獨宿空林一匝寒  
斷堤踈柳不成行  
上有寒鴉帶夕陽  
十載丹青那更得  
烟波江外老林郎

海鷺圖

漫雲如水浪如山  
屹立中流砥柱間  
莫恠眼中無燕雀  
暫時飛到却飛還

送吳汝賢歸省莆田

畫船簫鼓越溪行  
十載青山憶送迎  
只尺鄉關心萬里  
白雲飛盡海邊城

直深歌酒動沍樓  
春入高堂髮裏秋  
一日承歡寧易得  
十年身在鳳池頭

題張儀制所藏杜甫嘉畫

時杜已沒  
多年矣

聞說當年杜陵老  
老來詩畫蒲沍干  
青林白屋蕭條在  
每到東曹一借看

華表鶴圖二首

城頭華表切雲低，千歲無端得重棲。  
莫道鶴言非物，惟山君元不問昌黎。

城郭人民果是非，千年誰見鶴曾歸。  
都來一覺人間夢，錯向黃冠問縞衣。

懷麓堂詩藁卷之十九



懷麓堂詩藁卷之二十

七言絕句

題扇次倪良弼稽勲韻

渚蘭汀芷思芳年多在秋風白露前  
欲把青溪溪上笛  
在涼吹遍沈寥天

海潮圖

月明初滿妙高臺  
海上潮頭夜半來  
恨不海門三日住  
北風吹雨看崔嵬

墨梅

碧溪寒水淡無痕  
照見孤山處士魂  
此夜獨吟應不

惺齋堂集  
言卷三  
寐隔江清影未開門

墨竹

翠佩瑤環昨夜風  
渚雲飛盡楚王宮  
青娥舞罷婆娑  
曲人在空山月影中

先春亭

幽人屋近梅花住  
載酒呼童出每遲  
誤向花間問春色  
不知春在未開時

應伯起墨梅

老香遺墨未全磨  
見說咸淳似永和  
畫手人間那更

得澄心堂紙已無多

題畫二絕

風落空山老樹秋，斷溪幽咽水空流。  
何因得共幽人話，消盡西窓一夜秋。

隱隱幽巖曲曲泉，石林茅屋兩三椽。  
平生不盡江山興，只是丹青已可憐。

題畫

隔岸溪分野色齊，渚烟汀草望還迷。  
深山似有幽人宅，不是湖東是瀼西。

牧羝圖

仗節驅羊不自憐，白頭歸國意茫然。  
陵亡律死須臾

事誰更能消十九年

沈啓南墨鴉

點染鴉溪玉雪光  
忽驚毛羽動寒塘  
君看十五年前  
筆已有詩人說沈郎

題畫

水窮雲起兩無期  
獨坐空山日暮時  
好是王維詩  
畫中那復更題詩

怡雲圖鳴治以寄其族叔世弼者用亨父韻

不用將雲寄隱君  
隱君山自有閒雲  
雲邊若遇陶弘景  
莫遣高歌世上聞

子母箴一首與仲律

仲律見索小箋數日酬和還者過半同名為子

箋母

朝來東館暮西涯子母箋成豈浪誇猶有貪心勞望  
眼半隨詩句落誰家

題画

月斜長信晚鐘聲又報羊車過夾城清夜獨吟霜雪  
句手携團扇背花行

蘆雁

江上黃蘆風作花一雙秋影落寒沙春風又綠長安  
草何必江南有歲華



戲題屠元勳小扇

蒼苔白石淨無塵十畝青山絕四鄰  
剽欲逃名此中去祇愁詩債遠隨人

草廬三顧圖

魚水君臣豈易遭幾人三顧不辭勞  
一從釣渭耕莘後誰似先生出處高

墨竹

亂石層厓捲暮湍秋風吹老碧琅玕  
蒼蒼月色蕭蕭籟併作空堂一夜寒

安遠柳侯所藏墨竹

莫問龍孫與鳳雛  
渭川門閤重江湖  
看君合是封侯相  
已作昂藏一丈夫

梧竹圖

雨榦霜枝偃欲扶  
兩心應與石同枯  
山中歲月無人記  
曾宿當年老鳳雛

夏仲照墨竹

右朱氏仲昭印

江南墨竹近來荒  
剩有人傳夏太常  
圖印祇今猶舊姓  
風流知是少年狂

画鵝

宛轉臨流意欲飛  
野雲溪雪亂光輝  
莫教洗墨池邊

過共惜娟娟好羽衣

梅鶴圖

野色茫茫水接空  
數聲風鶴亂西東  
直深不辯梅花路  
知在輕烟素月中

画魚二首

禹門人道不凡才  
咫尺烟波萬里猜  
剛見赤鱗三十六  
尚疑平地有風雷

右鯉

清池沍鯽映霜空  
鱗尾分明素浪中  
顏色未能同赤鱗  
似應呼作黑頭公

右鯽

題周御醫原已

賜扇寄乃翁菊處處士

九華宮扇簇春雲上有仙書寫八分林下清風試披  
拂布袍應惹御爐薰

一画瓜

玉盤秋露水精寒冰齒餘香嚼未殘暑月爲君清到  
骨不知身在画中看

画菜

坐憐幽意滿閒庭長見春畦過雨青記得蘓郎舊風  
味雪堂中宦酒初醒

牧牛圖

兩足平田水亂流秣應牛背穩如舟歸來記得前村

夢月滿千山一笛秋  
月明吹笛過前溪  
牛背歸來不遶還  
似小西門外  
望淡烟芳草路東西

題畫

不惜柴門一徑苔  
杖藜長是爲花來  
黃花也解幽人意  
似向西風作意開

題杏花圖贈吳原璧下第後判黃州

吳剛自是斫桂手  
不折東風杏花苑  
花二十四回京國  
夢豈知春在楚天涯

希夷睡像次體齋韻



萬古乾坤一草廬春風長在黑  
詞餘自從慶背翻然  
墮縱有蒲輪不上車

題画

碧瓦朱樓素月中  
蕪臺東望海門通  
何人解作孫郎  
嘯一笛千山萬木空

墨牡丹二絕

老來青帝亦風流  
年少花王正黑頭  
共憶東風舊遊  
踏亂紅殘紫不勝愁

淨洗濃妝不受塵  
墨池清賞稱詩人  
休憐一朵揚州  
白鶴是烟花夢裏身

畫

步屨空林散夜涼  
斷橋斜帶入溪霜  
仙家晚飯無烟  
火猶記山中石髓香

題徐御醫畫卷

憶別江南花草地  
十年幽夢滿京塵  
還家尚喜兒孫

識不是天台采藥人  
徐本  
劉姓

太白扶醉圖

半擁宮袍拂錦鞵  
有誰扶醉敢朝天  
玉堂記得風流  
事知是吾宗老謫仙

白頭翁圖

名園芳事入新年  
繡羽無聲意共傳  
可是春風消不  
得白頭如雪對花前

題崑山屈鑰画竹

大常墨竹似彭城  
又到江南屈處誠  
可是崑山龍種  
玉一枝初老一枝榮

画松三首爲卜刑部從大題

佞雲匝地黯無輝  
老幹盤空勢不歸  
疑是葉家堂上  
見直深風雨墨龍飛

十年不到山中路  
又見青松画裏生  
擬着茅堂最深  
處石窓涼雨聽秋聲

郎官對坐一松孤  
共識西臺兩大夫  
十八年中今已  
半直來曾夢作公無

梅月圖次韻

影娥宮殿月參差  
却認梅花是桂枝  
欲采幽芳無處  
寄人間天上兩相思

畫馬四絕

野花開盡紫騮嘶  
老樹風高落日低  
十載沙場無一  
戰老來林下齧霜蹄

照夜瓊階匹練明  
月中疑是踏空行  
若教畫史當時  
見縱有霜毫貌不成

望斷朱門白晝長  
野州溪樹晚蒼蒼  
也知羈杙爲身累  
思繞秋風苜蓿場  
毛骨真疑潑墨成  
桺化初點雪分明  
祇愁化作蒼龍去  
聞是當年溼水精

棄瓢圖

至人於物本忘情  
瓢繫猶嫌樹裏聲  
應是向來新洗耳  
箇中聽得更分明

紅梅爲力齋題

誰道南枝勝北枝  
北枝偏耐雪霜欺  
雪霜消盡春風改  
只有丹心似舊時



梅月圖

清溪倒影入空寒，月色梅花共一般。  
直在半落英，看不見暗風吹墮玉闌干。

花鳥便面爲泉山修撰作

開遍汀頭荔子花，幾年春日住京華。  
南枝越鳥如相識，飛入端明學士家。

畫扇

水西亭館路逶迤，客到衡門出每遲。  
相別幾時長揖罷，定應先誦近來詩。

畫二首

野色湖聲遠近中  
綠荷翻雨稻含風  
幽居無限山林景  
只隔柴門便不同  
露下空江宿霧收  
月華天影共沉浮  
輕舟莫放乘流去  
恐入銀河犯斗牛

夜合花二絕

夜合枝頭別有春  
坐含風露入清晨  
任他明月能相照  
歛盡芳心不向人  
袂掩芳塵欲避春  
羞將月夕換風晨  
向來花品看應熟  
不待開時已可人

送張闌幕兼素借陳石齋詩稿

懷齋堂集 詩卷二  
病來三日廢吟詩石老詩清想見之爲報故人張幕  
府中郎書秘有人知

空山野食無烟火靈籟天聲自管絃我亦從今斷葷  
飲爲公重和石齋篇

壽陳石齋母節嬾竹枝十首

北堂有草解忘憂八十回春八十秋若與莊椿同數  
壽八千從此是從頭

少小爲婆今作婆朱顏兩點鬢雙瞠孫在堂前爲婆  
舞婆從堂上聽兒歌

教子讀書還織繒紡車啞啞繞青燈母今髮白子亦

白白髮相看無限情

名家綽楔起高樓節婦名題在上頭石柱如山屹不  
動門前汨水自東流  
大忠祠下非無路節嬾門中更有人莫道人心不如  
古須將節婦比忠臣

慈竹生孫正滿坡閉門秋色轉婆婆桃花柳絮無拘  
束縱得春光亦不多

嶺南風景直千金楚客歌成萬里心莫作楚歌歌此  
曲阿婆元解嶺南音

題画二絕

雨餘東郭草萋萋花底垂鞭信馬嘶莫恠山僮行不  
得石根猶滑舊時泥

問水尋山路轉難携琴不覺過溪寒祗應城市無閒  
地不到深林未可彈

雪滿前溪竟不知一燈寒影下書帷櫓聲呶靴中窅  
至不是王郎更有誰

雜画

雪藕霜梨冰齒寒翠瓜和露出秋盤多情更謝西園  
笋併作山齋一味酸

鷺鷥



野水和烟向晚昏  
一絲搖曳欲無痕  
遊魚不動風前  
餌夢繞秋江處處村

鷓鴣

宛轉清音世所稀  
巧將言語奪天機  
翠籠鸚鵡休相  
詫只讓翩翩好羽衣

慰方石先生病手及口次韻各一首

隻手難教左畫方  
病肢終以右爲強  
持螯未覺風流  
減對客揮毫也未妨

病口慵開興亦孤  
逢人一笑且胡盧  
不須更作懸河  
辯縱有懸河濟得無

雜画四絕

度竹穿花處處心  
暖風晴浪影浮沉  
亦知春去無多日  
猶在花叢與竹陰

右蝶

澗草園花各自春  
嚶嚶趯趯意俱真  
試從象外看生色  
始覺天機不屬人

右草蟲

五月桑園葉再生  
吳蠶初熟暑風清  
山禽一宿頭如錦  
貧女線絲尚未成

右戴勝

啄遍高林蠹已空  
枝頭獨立向西風  
莫將毛羽論長短  
要錄山禽氣紫功

右啄木

題畫和墨菊

偶將盤礴累高情  
画苑人人識姓名  
一自長安賣墨  
菊擔頭桃李價全輕

沈石田山水

翠竹碧桐秋氣高  
洞庭南望俯亭臯  
惟來落葉兼風  
下知是幽人讀楚騷

竹雀圖

愛聽琳瑯戛素秋  
惡聞啁哳繞枝頭  
若教愛惡渾無  
迹須向天機靜處求

題画二絕

雲暖深山藥草新  
山僮應愧客來頻  
多情獨有松間

鶴長爲殷勤報主人

卧雪年深懶跨驢  
客來猶未下庭除  
心閒自覺渠輸  
我詩好還應我讓渠

鈎勒竹

晉水秋沉鐵鈎鎖  
唐宮夜解玉連環  
世間無限機心  
事只在丹青伎倆間

春草

過烟披雨見蒙茸  
平野高原望不窮  
同是一般春色  
裏年年各自領東風

梨花如雪柳如金俗眼猶將較淺深爭似能黃更能  
白兩般顏色一般心

拔蒿二絕示諸生

委巷迴風多暮塵堦前老蒿長刺人呼童荷鍤相料  
理忽見庭花放錦新  
拔去庭蒿庭始寬向來茅塞本無端誰道人心不如  
此塞時容易拔時難

題画

波光樹色雨沉浮水部山村共一舟柔櫓數聲聽未  
了不知身已在中流



戴文進畫菊

黃花開滿院前坡  
醉殺西江計汝和  
忽見錢塘著色  
畫不知秋色較誰多

題畫為戴刑部同年

壁立西臺萬仞秋  
人間炎暑一時收  
道傍共指青松  
樹得似棠陰庇九州

題畫芥

雨洗塵沙不受侵  
短籬橫圃帶秋陰  
城居不改山林  
味世上何人識苦心

便面小景

題蕉拜石兩無情  
將盡吟髭句不成  
顧影忽然成白  
笑爲誰癡立爲誰行

詞曲

便面小景詞二首

浪淘沙

江上晚多風  
且繫孤蓬輕箬  
細雨荻花叢  
見說前溪波浪惡  
休更匆匆  
此興在江東  
還似飄蓬天涯白首  
畫圖中把酒高歌  
從此別何處相逢

減字木蘭花

孤亭落照一片青山  
宜晚眺在渚回波短  
權何人載

酒過秣愁歸去蔓草寒蹊無覓處他日重遊記取前  
溪雙樹頭

洛陽春題金瓶牡丹壽羅冰玉五十

洛陽花入長安早似天風吹到絳羅高捲對羅郎畫  
興詩俱好一陽生處春先報報先生知道年年画裏  
看花來看花老人方老

雨中花題画四關

正愛月來雲破那更柳眠花臥簾幕風微鞦韆人靜  
酒盡春無那迢遞高樓孤寂坐縹緲笛聲飛墮恨燭  
短宵長院深牆迥憑仗風吹過

得處玉樓朱戶如隔煖烟香霧荷芝池中香  
風落花無數三十年華容易度薄命任他分付恨承  
露盤空茂陵人老誰獻長門賦

庭下桂花如繡門外月華如畫雲母屏開水精簾卷  
照見姮娥瘦記得中秋風雨後今夜清光依舊怕犀  
箸風高玉盃露冷空把仙裙綉

二十六宮臺殿一匝雪華飛遍旋撲果戩更窺疏綺  
還繞流蘓轉人世幾回驚歲晏天上春光應先想白  
雪歌成冰顏醉也誰見春風面

臧字木蘭花題画

危峰欲墮巖片老翁方穩坐落葉無聲樹底風來了  
不驚祇緣詩癖縱有閒心閒未得剛道忙來世事何  
曾一挂懷

浪淘沙題牡丹

春去有餘春且付花神天香滿地不沾塵報道  
新雨過雨過還新芳意比佳人誰寫花真碧雲為  
草為茵剛道花中誰不信疑是前身

懷麓堂詩藁卷之二十一